

仙鶴圖卷之四十一

御纂醫宗金鑑卷四十一

編輯雜病心法要訣目錄

神病

癲狂癩

諸氣

遺精

赤白濁帶

痰飲

欬嗽

喘急哮喘

脹滿水腫

御纂醫宗金鑑卷四十一

編輯雜病心法要訣

神之名義

形之精粹處名心中含良性本天真天真一氣精神祖體是精
今用是神

註

動植之物一有其形則形之至精至粹之處即名曰心動
物之心者形若垂蓮中含天之所賦虛靈不昧之靈性也
植物之心者即中心之芽中含天之所賦生生不已之生
意也此形若無此心則形無主宰而良性生意亦無着落
矣此心若無良性生意則心無所施用不過是一團死肉

從身醫宗全錄 卷四十一
一枯草木之芽耳蓋人雖動物之貴而其中含良性與一切動物皆同本乎天真也天真之氣分而言之爲精氣神故曰以精爲體以神爲用也合而言之渾然一氣故曰天真一氣精神之祖也

神之變化

神從精氣妙合有隨神往來魂陽靈並精出入陰靈魄意是心機動未形意之所專謂之志志之動變乃思名以思謀遠是爲慮用慮處物智因生

註

魂陽之靈隨神往來魄陰之靈並精出入蓋神機不離乎精氣亦不雜乎精氣故曰妙合而有也故指神而言則神

超乎精氣之外指精氣而言則神寓乎精氣之中意者心
神之機動而未形之謂也志者意所專注也思者志之變
動也慮者以思謀遠之謂也智者以慮處物之謂也此皆
識神變化之用也

五藏神情

心藏神兮脾意智肺魄肝魂腎志精氣和志達生喜笑氣暴志
憤恚怒生憂思繫心不解散悲哭哀苦悽然情內生懼恐求人
伴外觸駭然響動驚

註

五藏所藏七神心藏神脾藏意與智肺藏魄肝藏魂腎藏
精與志也五藏所生七情心生喜肝生怒脾生憂思肺生

從身醫法全錄 卷四十一
悲腎生恐也氣和則志達故生喜笑氣暴則志憤故生恚
怒繫心不散故生憂思悽心則哀苦故生悲哭內恐外
觸非常事物故生恐懼驚駭也

神病治法

硃砂安神丸

內生不恐心跳悸悸更驚惕是怔忡善忘前言曰健忘如昏似
慧恍惚名失志傷神心膽弱痰飲九氣火相乘清熱硃連歸地
草餘病他門治法精

註

驚悸怔忡健忘恍惚失志傷神等病皆因心虛膽弱諸邪
得以乘之也心氣熱者先用硃砂安神丸以清之其餘虛

實諸邪則當與虛損九氣癲癩痰飲等門合證揀方自有
效法之處

仁熟散

恐畏不能獨自臥膽虛氣怯用仁熟栢仁地枸味萸桂參神菊
殼酒調服

註

恐畏不能獨自臥者皆因氣怯膽虛也仁熟散即栢子仁
熟地黃枸杞子五味子山茱萸桂心人參茯神菊花枳殼
為末老酒調服也

癲癩總括

經言癲狂本一病狂乃陽邪癲是陰癲疾始發意不樂甚則神

癡語不倫狂怒兇狂多不臥目直罵詈不識親癩發吐涎昏噤
倒抽搐省後若平人

註

李時珍曰經有言癲狂疾者又言癲疾爲狂者是癲狂爲
兼病也邪入於陽者狂邪入於陰者癲蓋癲疾始發志意
不樂甚則精神呆癡言語不倫而睡如平時以邪併於陰
也狂疾始發多怒不臥甚則兇狂欲殺目直罵詈不識親
疎而夜多不臥以邪併於陽也然俱不似癩疾發則吐涎
神昏卒倒無知口噤牙緊抽搐時之多少不等而省後起
居飲食皆若平人爲別也癩雖分而爲五曰雞馬牛羊豬
名者以病狀偶類故也其實痰火氣驚四者而已所以爲

治同乎癲狂也

三聖散

青州白丸子

滾痰丸

遂心丹

礬鬱丸

控涎丹

抱膽丸

鎮心丹

癲狂癇疾三聖吐風痰白丸熱滾痰痰實遂心氣礬鬱痰驚須
用控涎丹無痰抱膽鎮心治發灸百會自然安初發皂角灌鼻
內涎多欲止點湯鹽

註

癲狂癇疾初起多痰者先以三聖散吐之風盛有痰者用

青州白丸子熱盛有痰者用礬石滾痰丸痰而形氣實者

用遂心散甘遂硃砂豬心也痰而兼氣鬱者用礬鬱丸白礬鬱金也痰而兼驚者用控涎丹無痰神輕因而驚悸者用鎮心丹抱膽丸皆成方也癩病發時灸百會不拘壯數以麩爲止再發再灸以愈爲度初發用皂角汁灌鼻內其風涎卽從鼻口中涕唾而出若麩後其涎不止以鹽湯服之自止

諸氣總括

寒氣

炆氣

喜氣

怒氣

勞氣

思氣

悲氣

恐氣

驚氣

一氣觸爲九寒炆喜怒哀思悲恐驚寒收外束腠理閉炆泄內

蒸腠理通喜則氣緩虛極散勞耗思結氣難行怒氣逆上甚嘔
血下乘脾虛殄瀉成恐則氣下傷精志驚心無倚亂怔忡悲消
榮衛不散布壯行弱著病叢生

註

一氣流行不爲邪觸何病之有若爲寒觸外束皮膚腠理
閉其氣收矣卽寒病也炁火也若爲火觸熱蒸汗出腠理
開其氣泄矣卽暑病也若爲喜觸喜則氣和志達其氣緩
矣素中虛極者緩則氣散卽暴脫也若爲勞觸勞則喘息
且汗出其氣耗矣卽勞倦也若爲思觸心有所有氣留不
行其氣結矣卽鬱氣也若爲怒觸怒則氣逆甚嘔血其氣
上矣上極而下乘脾之虛則爲殄泄也若爲恐觸恐則精

却傷精志其氣下矣若爲驚觸心無所依神無所歸慮無所定其氣亂矣怔忡心動不安之病也若爲悲觸心肺氣戚榮衛不散其氣消矣凡此九氣叢生之病壯者得之氣行而愈弱者得之氣著爲病也

諸氣辨證

短氣氣短不能續少氣氣少不足言氣痛走注內外痛氣鬱失志怫情間上氣氣逆蘇子降下氣氣陷補中宜臭甚傷食腸胃鬱減食消導自然安

註短氣者氣短而不能續息也少氣者氣少而不能稱形也

皆爲不足之證氣痛者氣爲邪阻氣道不通或在經絡或

在藏府攻衝走注疼痛也上氣乃濁氣上逆下氣爲清氣
下陷氣鬱者或得於名利失志或得於公私怫情二者之
間也濁氣上逆蘇子降氣湯清氣下陷補中益氣湯甚者
加訶子五味子然清氣下陷下氣不甚臭穢惟傷食下氣
其臭甚穢乃腸胃鬱結穀氣內發而不宣通於腸胃之外
鬱在胃者上噫氣也鬱在腸者下矢氣也補中益氣湯方
見內傷門

諸氣治法

寒熱熱寒結者散上抑下舉驚者平喜以恐勝悲以喜勞溫短
少補皆同

註

寒者熱之麻黃理中是也熱者寒之白虎生脈是也結者散之越鞠解鬱是也上者抑之蘇子降氣是也下者舉之補中益氣是也驚者平之鎮心妙香是也喜以恐勝悲以喜勝以情治情是也勞者溫之短氣少氣者補之保元四君是也

木香流氣飲

木香流氣調諸氣快利三焦榮衛行達表通裏開胸膈腫脹喘嗽氣為疼六君丁皮沉香木桂白芷香附果蘇青大黃枳朴檳蓬木麥冬大腹木瓜通

註

木香流氣飲調治一切諸氣為病其功能快利三焦通行

榮衛外達表氣內通裏氣中開胸膈之氣其水腫脹滿氣壅喘嗽氣痛走注內外疼痛並皆治之即人參白朮茯苓炙草橘皮半夏丁香皮沉香木香中桂白芷香附草果蘓葉青皮大黃枳殼厚朴檳榔蓬朮麥冬大腹皮木瓜木通也

分心氣飲

分心氣飲治七情氣滯胸腹不流行正減芷朴通木附麥桂青桑椹殼蓬

註

分心氣飲治七情氣滯胸腹之病正者謂藿香正氣散也
正減者謂即藿香正氣散方減白芷厚朴加木通木香香附麥冬官桂青皮桑皮檳榔枳殼蓬朮也

蘓子降氣湯

越鞠湯

蘓子降氣氣上攻下虛上盛氣痰壅喘咳涎嗽胸膈滿氣秘氣
逆嘔鮮紅橘半肉桂南蘓子前朴沉歸甘草同鬱食氣血痰濕
熱越鞠蒼梔麩附芎

註

蘓子降氣湯治下虛上盛氣壅上攻喘咳涎嗽胸膈滿悶

氣秘便難氣逆嘔血卽橘皮半夏肉桂南蘓子前胡厚朴

沉香當歸甘草也越鞠湯治六鬱食鬱氣鬱血鬱痰鬱濕

鬱熱鬱卽蒼朮山梔神麩香附撫芎也夫氣鬱之病若久

必與血痰濕熱飲食相合故治鬱之方可治氣鬱也其氣

實者加木香氣虛者加人參血實者加紅花血虛者加當歸痰多者加半夏濕多者加白朮熱多者加黃連飲多者加茯苓食多者加麥蘗在臨證者消息耳

四七湯

四七七氣鬱生痰梅核吐咯結喉間調和諸氣平和劑半夏厚朴紫蘓煎快氣橘草香附入婦人氣病效如僊惡阻更加芎歸芍氣痰濁滯送白朮

註

四七湯治七情過節七氣病生鬱結生痰如絮如膜凝結喉間咯之不盡嚥之不下名曰梅核氣日久不愈變生噎膈上吐涎沫下秘二便也宜用此平和之劑即半夏茯苓

厚朴紫蘇葉也胸腹中氣不快加橘皮甘草香附亦治婦人一切氣病婦人有孕喜吐者名曰惡阻更加川芎當歸白芍婦人肥白多痰氣鬱有白濁帶下者亦以本方送青州白丸子可也

鎮心丹

妙香散

驚實鎮心硃齒血驚虛妙香木麝香山藥茯神參耆草硃砂桔梗遠蒼菖

註

心氣實病驚者宜用鎮心丹即硃砂龍齒末等分豬心血爲芡實大丸每服三丸麥冬湯下心氣虛病驚者宜用妙

香散加菖蒲郎木香麝香山藥茯神人參黃耆炙草硃砂
桔梗遠志茯苓菖蒲也

遺精總括

不夢而遺心腎弱夢而後遺火之強過欲精滑青氣陷久曠溢
瀉味醇傷

註

不夢而遺謂無所感於心而自遺則爲心腎虛弱不固也
夢而後遺謂有所感於心相火煽而強迫之則爲二火之
強不固也或過慾之人日慣精滑或清氣不足下陷不固
或久曠之人精盛溢瀉或醇酒厚味火強不固皆爲是病

也

龍骨遠志丸

坎離既濟湯

封髓丹

心腎虛弱殊遠志龍骨神苓菖蒲參久曠火旺地知蘘胃虛蘘
草縮砂仁

註

龍骨遠志丸治心腎虛弱不夢而遺者即龍骨殊砂遠志

茯神茯苓石菖蒲人參也坎離既濟湯治夢而後遺火強

久曠者即生地黃蘘知母也若胃虛食少便爽則不宜生

地知蘘恐苦寒傷胃故宜封髓丹即黃蘘甘草縮砂仁也

補精丸

精出不止陽不痿強中過補過淫成久出血痛形羸死或發消

渴或發癰陽盛坎離加龍骨實熱解毒大黃攻調補骨脂韭山藥磁石菴蓉參鹿茸

註精出不止陽強不倒名曰強中此病皆因過服房術中補藥或貪淫過慾而成也若不急治日久精盡陽強不化迫血而出痲痛不已形羸而死或不卽死亦必發消渴大癰也陽盛陰虛者宜大劑坎離既濟湯加生龍骨清而補之形實熱盛者宜黃連解毒湯加大黃先攻其熱可也病後熱去調理宜補精丸卽補骨脂韭子山藥磁石肉菴蓉人參鹿茸也

濁帶總括

濁病精竅溺自清穢物如膿陰內疼赤熱精竭不及化白寒濕熱敗精成

註

赤多屬熱亦有濁帶日久精竭陽虛不及化白而屬寒者白多屬寒亦有敗精濕熱釀成腐化變白而屬熱者是則不可槩以寒熱論赤白也

清心蓮子飲

萆薢分清飲

珍珠粉丸

濁熱清心蓮子飲寒草菖烏益草苓濕熱珍珠炒薑栢滑竹葉神

麩椿蛤同

註

赤濁帶下屬熱者宜用清心蓮子飲方在淋門白濁帶下

屬寒者宜用葶藶分清飲卽葶藶芎藭蒲烏藥益智甘草茯苓也赤白濁帶下屬濕熱者宜用珍珠粉丸卽炒黑薑炒黃栢滑石青黛炒神麴炒椿皮蛤粉也

黑錫丹

黑錫上盛下虛冷精竭陽虛火上攻上壅頭痛痰氣逆下漏濁帶白淫精骨脂苗香葫蘆巴肉蔻桂附木金櫻沉香陽起巴戟肉硫鉛法結要研明

註

赤白濁帶下屬虛寒者及虛陽上攻頭痛喘嗽痰壅氣逆俱宜黑錫丹卽補骨脂小苗香葫蘆巴肉蔻附子肉桂木香金櫻子沉香陽起石巴戟硫黃黑鉛也

痰飲總括

陰盛爲飲陽盛痰稠濁是熱沫清寒燥少粘連咯不易濕多易出風掉眩膈滿嘔吐爲伏飲支飲喘咳腫臥難飲流四肢身痛溢嗽引脇痛謂之懸痰飲素盛今暴瘦漉漉聲水走腸間飲留肺胸喘短渴在心下悸背心寒

註

飲則精稀故爲陰盛痰則稠濁故爲陽盛稠濁是熱痰屬心也沫清是寒痰屬腎也少而粘連咯不易出是燥痰屬肺也多而易出是濕痰屬脾也搖擲眩暈是風痰屬肝也膈上痰滿嘔吐痰涎此飲留於膈間名曰伏飲也喘咳面

腫不得臥此飲留於肺名曰支飲也飲流四肢身體重痛
此飲留行於體名曰溢飲也咳嗽引脇疼痛此飲留於脇
下名曰懸飲也素盛今瘦漉漉有聲水走腸間此飲留於
腸胃名曰痰飲也凡飲留於胸肺則喘滿短氣而渴飲留
於膈下則心下悸或背心寒冷也

二陳湯

燥痰湯

諸痰橘半茯苓草惟燥者不相當風加南星白附子熱加苓
連寒桂薑氣合四七鬱香附虛入參朮濕入蒼燥苓旋海天冬
橘風消枳桔貝萸霜

註

諸痰謂一切痰皆宜二陳湯治之即橘紅半夏茯苓甘草也
也因有苓半性過滲燥故與燥痰不相當也依本方風痰
加南星白附子熱痰加黃芩黃連寒痰加乾薑肉桂氣痰
加厚朴蘓葉即合四七湯也因鬱生痰加香附氣虛有
痰加人參白朮即六君子湯也濕痰加蒼朮燥痰宜用燥
痰湯即枯黃芩旋覆花海石天冬橘紅風化芒消枳殼桔
梗貝母栝蒌霜也

茯苓指迷丸

茯苓風消枳殼半痰飲平劑指迷丸寒實瓜蒂透羅治熱實大

陷小胃丹

註

指述丸治一切痰飲平和之劑即茯苓風化積滯枳殼牛

夏也痰飲寒實者用瓜蒂散吐之或用透羅丹下之熱實

者在膈上用大陷胸湯丸在三焦用小胃丹攻之

半夏茯苓湯加丁香湯

越婢加木湯

流飲控涎苓桂治伏飲神佑半苓丁支飲葶藶懸十棗溢飲越

朮小青龍

註

留飲者謂一切飲留於上下內外也實者用控涎丹攻之

虛者用苓桂朮甘湯温之伏飲實者用神佑丸虛者用半

夏三錢茯苓二錢丁香一錢生薑三錢煎服治之即半夏

衞身醫宗全錄 卷四十一
三
茯苓湯加丁香也支飲用葶藶大棗湯懸飲用十棗湯治
之溢飲有熱者用越婢加水湯卽麻黃石膏甘草生薑大
棗加蒼朮也有寒者用小青龍湯治之

欬嗽總括

有聲曰欬有痰嗽聲痰俱有欬嗽名雖云藏府皆咳嗽要在聚
胃關肺中胃濁脾濕嗽痰本肺失清肅咳因生風寒火鬱燥痰
飲積熱虛寒久勞成

註

有聲無痰曰欬有痰無聲曰嗽有聲有痰曰欬嗽內經雖
云五藏六府皆令人欬而大要皆在聚於胃關於肺也因

胃濁則所遊溢之精氣與脾濕所歸肺之津液皆不能清
水精之濁難於四布此生痰之本爲嗽之原也肺居胸中
主氣清肅或爲風寒外感或爲痰熱內干清肅有失降下
之令因氣上逆而欬嗽也久勞成謂久病欬嗽不已傷肺
成勞也

參蘓飲

芎蘓飲

香蘇飲

茯苓補心湯

參蘇感冒邪傷肺熱寒欬嗽嚏痰涎氣虛用參實減去二陳枳
桔葛蘇前頭痛加芎喘加杏苓因熱入麻乾寒虛勞胎產有是
證補心四物量抽添

註

參蘇飲治感冒風寒傷肺欬嗽噎痰涎發熱惡寒也即
人參蘇葉橘紅半夏茯苓甘草枳殼桔梗前胡葛根也形
氣虛者必用人參若形氣實減去可也若頭痛依本方去
人參以前胡易柴胡加川芎名芎蘇飲若喘嗽依本方去
人參加杏仁名杏蘇飲若內有熱加黃芩有寒加麻黃乾
薑若虛勞之人及胎前產後而有是病依本方合四物湯
名茯苓補心湯量其虛實寒熱加減可也

瀉心散

葶藶瀉白散

瀉白肺火鬱氣分喘欬面腫熱無痰桑骨甘草寒麻杏血分加

芩熱甚連欬急嘔逆青橘半鬱甚失音訶桔添停飲喘嗽不得臥加苦葶藶效通仙

註

瀉白散即桑皮地骨皮甘草也治喘嗽面腫無痰身熱是爲肺經火鬱氣分若無汗是爲外寒鬱遏肺火加麻黃杏仁以發之若無外證惟面赤是爲肺經火鬱血分加黃芩內熱甚者更加黃連以清之欬急嘔逆者加青皮橘紅半夏以降之火鬱甚而失音者加訶子肉桔梗以開之若喘嗽面浮不得臥者是爲兼有停飲加苦葶藶以瀉之名葶藶瀉白散

清肺湯

清肺肺燥熱欬嗽二冬毋草橘芩桑痰加萸半喘加杏快氣枳
桔斂味良

註

清肺湯即麥冬天冬知母貝母甘草橘紅黃芩桑皮也有
痰燥而難出加栝萸子痰多加半夏喘加杏仁胸膈氣不
快加枳殼桔梗久則宜歛加五味子

清燥救肺湯

喻氏清燥救肺湯肺氣虛燥鬱欬方參草麥膏生氣液杏枇降
逆效功長胡麻桑葉阿潤燥血枯須加生地黃熱甚牛黃羚羊
角痰多貝母與萸霜

註

喻氏喻嘉言也枇枇杷葉也羚羊角犀角也萸霜栝

蔓霜也

透羅丹

瀉肺丸

寒實痰清透羅丹欬時涎壅氣出難巴杏大牽皂半餅熱實痰稠瀉肺丸

註

寒實痰盛涎清熱實痰盛稠黏皆能令人欬嗽嗽時痰涎頓壅氣閉難出寒實者用透羅丹卽巴豆杏仁大黃牽牛皂角半夏共爲末蒸餅爲小丸量服方出丹溪心法附餘熱實者宜瀉肺丸方見失血門

人參瀉肺湯

積熱傷肺宜瀉肺喘嗽痰多粘色黃胸膈滿熱大便澀涼膈枳
桔杏參桑

註
人參瀉肺湯即涼膈散梔子連翹薄荷黃芩大黃甘草枳
殼桔梗杏仁人參桑皮也

鍾乳補肺湯

補肺虛寒喘嗽血皮毛焦枯有多年生岷苑欵桑皮桂鍾英糯
米棗薑煎

註
補肺湯即人參麥冬五味子欵冬花紫苑桑皮桂枝鍾乳
石白石英糯米大棗生薑也

人參養肺湯

養肺平劑肺氣虛勞久喘嗽血腥宜參草杏阿知母棗烏梅罌粟骨桑皮

討人參養肺湯爲治肺氣虛損久勞不寒不熱之平劑也其方卽人參炙草杏仁阿膠知母大棗烏梅罌粟殼地骨皮桑皮也

清寧膏

太平丸

欬嗽痰血清寧治甘桔麥地橘龍圓薏米川貝薄荷末血過於痰太平丸

註欬嗽痰少血多用太平丸方諸書俱有

瓊玉膏

杏酥膏

瓊玉膏治肺虛勞肺痿乾嗽欬涎溜生地膏蜜參苓末不虛燥

蜜杏酥膏

註

瓊玉膏治虛燥先以生地煎膏後入煉白蜜人參茯苓末

攪成膏杏酥膏治不虛而燥以杏仁霜爛酥油煉白蜜溶

化合膏

喘吼總括

喘則呼吸氣急促哮則喉中有響聲實熱氣粗胸滿鞭虛寒氣

乏飲痰清

註

呼吸氣出急促者謂之喘急若更喉中有聲響者謂之哮
吼氣粗胸滿不能布息而喘者實邪也而更痰稠便鞭者
熱邪也氣乏息微不能續息而喘者虛邪也若更痰飲清
冷寒邪也

喘急死證

喘汗潤髮為肺絕脈瀦肢寒命不昌喘咳吐血不得臥形衰脈

大氣多亡

註

氣多謂出氣多入氣少也

華蓋湯

千金定喘湯

葶藶大棗湯

外寒喘吼華蓋湯麻杏蘇草橘苓桑減苓加苓欬半菓飲喘難

臥棗葶方

註

外寒傷肺喘急用華蓋散即麻黃杏仁蘓子甘草橘紅赤

茯苓桑皮也依本方減茯苓加黃苓欬冬花半夏白菓名

千金定喘湯治哮吼表寒之喘葶藶大棗湯治停飲不得

臥之喘也

蘿皂丸

蘇子降氣湯

火鬱喘急瀉白散痰盛作喘羅皂丸葶仁海石皂羅皂氣喘蘇子降氣痊

註

面赤浮腫謂之火鬱之喘宜瀉白散痰盛聲急謂之痰喘

宜蘿皂丸無痰聲急謂之氣喘宜蘇子降氣湯方在諸氣

門

五味子湯

黑錫丹

腎氣湯

人參理肺湯

氣虛味麥參陳杏虛寒黑錫腎氣湯日久歛喘參桔味麻杏罌

粟歸木香

註

五味子湯即五味子麥冬人參陳皮杏仁也人參理肺湯

即人參桔梗五味子麻黃杏仁罌粟殼當歸木香也黑錫丹方在濁帶門腎氣湯方在虛勞門

腫脹總括

衛氣並脈循分肉內傷外感正邪攻外邪客脈為脈脹邪留分肉膚脹生

註

經曰衛氣之在身也常然並脈循分肉行陰陽相隨何病之有若其人內傷七情外感六氣飲食失節勞役過度則邪正相攻榮衛失和衛氣與風寒之邪客於脈中則為脈脹衛氣與風寒之邪留於分肉則為膚脹也

諸脈脹單腹脹膚脹鼓脹

脈脹筋起絡色變久成單腹末脫清膚脹蹇蹇初不鞭纏綿氣鼓脹膨膨

註

脈脹之證腹筋起絡色變久而不已則成單腹脹四末脫瘦清冷也膚脹之證蹇蹇然初不堅鞭纏綿不愈則成氣鼓脹滿膨膨急鞭也

腸覃石瘕

外邪干衛客腸外腸覃月事以時行外邪干營客胞內石瘕經閉狀妊盈

註

風寒之邪不客於脈中分肉而干衛氣深入客於腸外僻

而內著日以益大狀如懷子月事仍以時行名曰腸覃或
干營氣深入客於胞中惡血留止日以益大狀如懷子月
事不以時下名曰右瘕此皆生於女子在男子則為疝也

水脹石水風水

皮厚色蒼多是氣皮薄色澤水濕成氣速安臥從上下水漸難
眠咳嗽徵石水少腹腫不喘風水面腫脛足同石水陰邪寒水

結風水陽邪熱濕凝

凡腫脹之病皮厚色蒼者皆屬氣也皮薄色澤者皆屬水

也氣陽也陽熾故為脹速每從上腫而漸下得以安臥

邪在外也水濕也陰性遲故為脹漸每從下腫而漸上

有咳喘不得臥之徵也石水之證少腹腫滿水在下故不喘也上腫曰風下腫曰水故風水之證面與脛足同腫也然石水屬陰邪故曰寒結也風水屬陽邪故曰熱濕凝也

脹滿水腫死證

腹脹身熱及失血四末清脫瀉數行腫起四肢後入腹利旋滿腫腹筋青唇黑臍突陰囊腐缺盆脊背足心平鯁大時絕或虛瀉腫脹逢之却可驚

註

腹脹身熱陽盛脹也若吐衄瀉血則陰亡矣四肢瘦冷陰盛脹也若數瀉不止則中脫矣先腫脹腹後散四肢者可治先腫四肢後歸入腹者不治腫脹之病多實服利下之

藥旋消旋起則為正不勝邪亦不治腹筋青漲高起脹腫
 蒼黑臍腫突出陰囊腫腐缺盆脊腫平足心腫平則五
 藏傷皆不治也鯀大而時絕或虛濇細則氣血敗皆死鯀
 木香流氣飲

膚脹鯀脹通身脹單腹鼓脹四肢平膚脹木香流氣飲鯀脹加
 薑黃撫芎

註

膚脹皮膚脹也鯀脹經鯀脹也此二脹皆通身脹也單腹
 脹四肢不脹鼓脹其脹如鼓此二脹皆腹脹四肢不脹也
 膚脹宜用木香流氣飲鯀脹亦用此湯更加薑黃撫芎也
 方在諸氣門

厚朴散

下瘀血湯

單腹鼓脹分氣血氣實腸覃厚朴榔木枳青陳遂大戟血實石
瘕下瘀湯

註

單腹脹鼓脹當分氣血而治腸覃亦氣病也故同氣實脹
者一治之皆用厚朴散即厚朴檳榔木香枳殼青皮陳皮
甘遂大戟石瘕亦血病也故同血實脹者一治之宜用下
瘀血湯即大黃桃仁蟅虫甘遂也

寒脹中滿分消湯

熱脹中滿分消湯

氣虛脹病分寒熱中滿分消有二方寒脹參芪歸苓朴半夏吳
萸連二薑升柴烏麻青蘘澤葶澄草菴益木香熱縮六君知猪
澤枳朴苓連乾薑黃

註

脹有虛實寒熱若脹而形氣虛少寒者宜用寒脹中滿分
消湯卽人參黃芪當歸茯苓厚朴半夏吳萸黃連乾薑生
薑升麻柴胡川烏麻黃青皮黃蘘澤瀉葶葶草豆菴益
智木香也脹而形氣虛少熱者宜用熱脹中滿分消湯卽
縮砂人參白朮茯苓炙草廣皮半夏知母猪苓澤瀉枳殼
厚朴黃芩黃連乾薑薑黃也

水腫治法

上腫多風宜乎汗下腫多濕利水泉汗宜越婢加蒼朮利用貼
臍琥珀丹外散內利疏鑿飲喘不得卧蘇葶先陽水熱滲濕神
祐陰水實脾腎氣丸

註

從上腫者多外感風邪故宜乎汗從下腫者多內生濕邪

故宜乎利水外散風水宜用越婢湯加蒼朮即麻黃石膏

甘草蒼朮也內利水濕宜用貼臍等法一以巴豆去油四

錢水銀粉二錢硫黃一錢研勻成餅先用新綿一片布臍

上內餅外用帛縛時許自然瀉下惡水待下三五次去藥

以粥補任日久形羸隔一日取一次一餅可救三五人一

以鮮赤商陸根拌爛貼臍上以帛縛定水自小便出一以

田螺四個大蒜五個車前子末三錢研成餅貼臍中以帕
縛之少時尿利卽愈或內服沉香琥珀丸卽苦葶藶子真
郁李仁防已沉香陳皮琥珀杏仁蘇子赤茯苓澤瀉麝香
也若通身腫則當外散內利宜用疏鑿飲子兩解之若水
盛上攻喘急不得臥則當先用蘇子葶藶丸以定喘卽此
二味等分爲末棗肉丸陽水屬熱實者熱盛宜用大聖濟
川散濕盛宜用舟車神祐丸以下之二方在醫宗必讀陰
水屬寒虛者脾虛不食便軟宜用實脾飲腎虛脛足冷硬
宜用腎氣丸

疏鑿飲子

茯苓導水湯

水腫兩解疏鑿飲和劑茯苓導水湯疏鑿椒目赤小豆檳榔商陸木通羌秦茺大腹苓皮澤茯苓導水澤苓桑木香木瓜砂陳木蘇葉大腹麥檳榔

註

水腫外散內利兩解峻者疏鑿飲即椒目赤小豆檳榔商陸木通羌活秦茺大腹皮茯苓皮澤瀉也外散內利兩解和者茯苓導水湯即澤瀉茯苓桑皮木香木瓜砂仁陳皮白木蘇葉大腹皮麥冬檳榔也

實脾飲

裏實自然尋濬祐裏虛實脾四君香木瓜附子大腹子厚朴草

果炒乾薑投諸溫補俱無驗欲諸攻下又難當須行九補一攻
法緩求淡食命多昌

註

裏實二便澁者宜用濬川散神祐丸裏虛二便通者宜用
實脾飲卽人參白朮茯苓炙草木香木瓜川附子大腹子
厚朴草果炒乾薑也腫脹之病屬虛寒者自宜投諸溫補
之藥而用之俱無効驗者虛中必有實邪也欲投諸攻下
之藥而又難堪然不攻之終無法也須行九補一攻之法
是用補養之藥九日俟其有可攻之機而一日用瀉下之
藥攻之然攻藥亦須初起少少與之不勝病漸加之必審
其藥與元氣相當逐邪而不傷正始爲法也其後或補七

日攻一日補五日攻一日補三日攻一日緩緩求之以愈
爲度若能戒鹽醬淡食百日多有生者

御纂醫宗正統金鑑卷四十一

此處有極淡的藍色印文，內容模糊，似為「醫宗正統金鑑」等字樣。

御纂醫宗金鑑卷四十二

編輯雜病心法要訣目錄

瘧疾

霍亂

嘔吐噦

翻胃噎膈

泄瀉

痢疾

黃疸

積聚

疝

疝氣

疝

疝

疝

御纂醫宗金鑑卷四十一

御纂醫宗金鑑卷四十二

編輯雜病心法要訣

瘧疾總括

夏傷於暑舍營內秋感寒風并衛居比時或爲外邪束暑汗無出病瘧疾

註

經曰瘧瘧皆生於風謂四時病瘧未有不因風寒外束暑邪內伏者也又曰瘧者風寒之氣不常也此言比時病瘧者也又曰夏傷於暑秋爲瘧瘧又曰夏暑汗不出者秋成風瘧謂夏傷於暑其邪甚者卽病暑其邪微者則舍於營復感秋氣寒風與衛并居則暑與風寒合邪始成瘧病也

其不即病傷寒者亦以有暑邪預伏於營中也蓋有風無暑惟病風有暑無風惟病暑必風暑合邪始病瘧也

日作間作

瘧隨經絡循伏脊深入脊內注伏衝橫連膜原薄藏府會衛之時正邪爭得陰內薄生寒慄得陽外出熱蒸蒸邪淺日作日會衛邪深間作衛遲逢

註

瘧氣之邪伏藏於營隨其經絡循脊脊之表而下此初病邪淺傳舍之次也其邪深者則入脊脊之內伏注於衝脈橫連諸經脂膜之原內及藏府此邪漸深傳舍之次也衛氣者一日一夜周於身每至明旦則出足太陽精明大會

於風府腠理乃開開則所容營衛之邪入邪入得陰內薄
則生寒得陽外出則生熱內外相薄邪正交爭而病乃作
也病初邪淺者衛行未失常度其邪日與衛會故日作也
病久邪深者衛行遲失常度其邪不能日與衛會故間日
乃作也時有間二日間三日或至數日作者亦衛氣行愈
遲會愈遲故作愈遲也

癱晝夜作

衛不循經行脈外陽會晝發陰夜發邪退自然歸陽分病進每
必入陰家

註
營氣循經而行脈中衛氣不循經而行脈外惟日行於三

陽夜行於三陰故邪在三陽之淺者則晝發邪在三陰之深者則夜發病邪將退者夜發退爲晝發此爲去陰就陽則病欲已也病邪漸進者晝發進爲夜發此爲去陽入陰則病益甚也

癱蚤晏作

衛氣平旦會風府邪傳日下一節間從頭循下故益晏下極復上蚤之緣

註

衛氣流行每日平旦會於風府而邪氣中人從頭項歷風府下循背腰日下傳脊之一節邪與衛會日晚故作日益晏也邪傳下極軀衝其氣復上行邪與衛會日蚤故作日

益蚤也

瘧疾治法

瘧初氣實汗吐下表裏俱清用解方清解不愈方可截久瘧形虛補白當

註

瘧初氣實均空汗吐下有表裏證汗下之胸滿嘔逆有飲者吐之表裏俱清空用和解清解不愈表裏無證可用截藥止之久瘧形羸氣虛空用補劑自當然也

桂麻各半湯

瘧初寒熱兩平者桂麻各半汗方療汗少寒多麻倍入汗多倍

桂枝加膏

註

癰病初起寒熱不多不少兩平者宜桂麻各半湯汗之汗少寒多熱少者倍麻黃湯汗之汗多寒少熱平者倍桂枝湯汗之熱多者更加石膏

麻黃羌活湯

桂枝羌活湯

麻黃羌活加半夏湯

白虎湯

白虎桂枝湯

柴胡白虎湯

柴胡桂枝湯

寒多寒瘧而無汗麻黃羌活草防尋熱多有汗爲風瘧減麻添
桂嘔半均先熱後寒名溫瘧白虎汗多合桂君痺瘧但熱柴白
虎牝瘧惟寒柴桂親

註

此皆諸瘧初起之汗法也先傷於寒後傷於風先寒後熱
寒多熱少無汗謂之寒瘧宜用麻黃羌活湯卽麻黃羌活
防風甘草也先傷於寒後傷於風先寒後熱熱多寒少有
汗謂之風瘧宜用桂枝羌活湯卽桂枝羌活防風甘草也
二證嘔者均加半夏先傷於風後傷於寒先熱後寒謂之
溫瘧宜用白虎湯汗多合桂枝湯陽氣盛陽獨發則但熱
而不寒謂之痺瘧宜用柴胡白虎湯卽小柴胡合白虎湯

也陰氣盛陰獨發則但寒而不熱謂之牝瘧宜用柴胡桂枝湯即小柴胡合桂枝湯也

草果柴平湯

大柴胡湯

食瘧痞悶噫惡食草果小柴平胃宐瘧裏便鞭大柴下消檳果
朴量加之

註

因食而病瘧者則痞悶噫氣惡食宐小柴胡合平胃散加

草果清之凡瘧有裏不清便鞭者宐大些胡湯加芩消厚

朴草果檳榔下之

清脾飲

瘧疾已經汗注下清解未盡寒熱方清脾白朮青朮果小柴參
去八苓薑氣虛加參痰橘半飲多宜逐倍薑榔渴熱知膏天花
粉食滯麥麩濕澤蒼

註

瘧疾已經或汗或吐或下表裏無證法當清解宜用清脾
飲和之即白朮青皮厚朴草果柴胡黃芩半夏甘草茯苓
生薑也氣虛者加入參痰多者加橘紅倍半夏飲多者倍
生薑加檳榔渴熱者加知母石膏天花粉食滯者加麥芽
神麩濕盛者加澤瀉蒼朮

久瘧虛瘧勞瘧

久瘧氣虛脾胃弱四獸益氣等湯斟勞瘧鱉甲十全補熱除者

桂入柴苓

註久患瘧疾形氣俱虛脾胃弱不思食宜用四獸飲補中益氣等湯斟酌治之久病勞損氣血兩虛而病瘧疾者名曰勞瘧宜用十全大補湯倍加鱉甲熱盛者除去黃耆肉桂加柴胡黃芩也

柴胡截瘧飲

蜜佗僧散

諸瘧發過三五次表裏皆清截法先未清截蚤發不已已清不截正衰難截虛柴胡截瘧飲小柴梅桃檳常山截實不二佗僧散燒酒冷調服面南

註

凡瘧按法治之發過三五次表裏無證當先以截瘧藥截之若表裏未清截蚤則瘧疾必復發之不已表裏已清不截則正衰邪盛而難治也截不足人之瘧宜用小柴胡湯加常山檳榔烏梅桃仁薑棗煎併滓露一宿次日發前一二時小溫服惡心以糖拌烏梅肉壓之截有餘人之瘧宜用不二飲全方或蜜陀僧細末大人七分小兒量之冷燒酒調面南如前法服之一服不愈再服必止戒鷄魚豆腐麵食羹湯熱粥熱物

瘧瘧母

瘧瘧經年久不愈瘧母成塊結癖癥形實控涎或化滯攻後餘

法與前同

註 瘧瘧經年不愈之老瘧也瘧母久瘧腹中成塊癖也形實

宜用控涎丹以攻痰飲或用化滯丸以攻積滯攻後之餘

法與前所治瘧法同也

桂枝麻黃柴胡四物去杏仁加桃仁湯

瘧在夜發三陰瘧桂麻柴物杏易桃鬼瘧尸注多惡夢恐怖蘇

合效功高

註 瘧在夜發名曰三陰瘧疾初熱宜用桂枝湯麻黃湯小柴

胡湯四物湯方合劑以杏仁易桃仁增損汗之汗解之後

餘同前法鬼瘧亦多在夜發由尸氣注之比三陰瘧疾則

夜多惡夢時生恐怖宜用蘇合香丸治之

霍亂總括

揮霍變亂生倉卒心腹大痛吐利兼吐瀉不出乾霍亂舌卷筋
縮入腹難

註

欲吐不吐欲瀉不瀉心腹大痛名曰乾霍亂又名攪腸痧
若舌卷筋縮則卵陰入腹難治也

霍香正氣散

二香湯

甘露飲

霍亂風寒暑食水雜邪為病正氣方藿蘇陳半茯苓草芷桔腹
皮厚朴當轉筋木瓜吳萸入暑合香薷濕入蒼暑熱六一甘露
飲寒極烏附理中湯

註

霍亂之病得之於風寒暑食水邪雜揉為病亂於腸胃清
濁相干故心腹大痛吐瀉也藿香正氣湯即藿香蘇葉陳
皮半夏茯苓甘草白芷桔梗大腹皮厚朴也暑則吐多合
香薷飲名二香湯濕則瀉多加蒼朮暑熱甚者用辰砂六
一散或五苓散加石膏滑石寒水石名甘露飲寒極肢厥
脈伏者用炮川烏炮川附合理中湯

噎膈翻胃總括

三陽熱結傷津液乾枯賁幽魄不通賁門不納爲噎膈幽門不放翻胃成二證留連傳導隘魄門應自潛於行胸痛便鞭如羊糞吐沫嘔血命難生

註

三陽熱結謂胃小腸大腸三府熱結不散灼傷津液也胃之上口爲賁門小腸之上口爲幽門大腸之下口爲魄門三府津液旣傷三門自然乾枯而水穀出入之道不得流通賁賁門乾枯則納入水穀之道路狹隘故食不能下爲噎塞也幽門乾枯則放出腐化之道路狹隘故食入反出爲翻胃也二證留連日久則大腸傳導之路狹隘故魄門

自應燥澇難行也胸痛如刺胃腕傷也便如羊糞津液枯也吐沫嘔血血液不行皆死證也

人參利膈丸

汞硫散

五汁大黃清燥熱丁沈君子理虛寒便秘壅遏應利膈吐逆不止汞硫先利膈小承參草木歸藿檳桃麻蜜丸汞一硫二研如墨老酒薑汁服即安

註

五汁謂五汁飲以清燥乾也大黃謂大黃湯即大黃一味用薑汁炙大黃片變黑黃色量人強弱每服二三錢加陳倉米一撮葱白二莖煎去滓服以治熱結也丁香沉香加

入四君子六君子理中湯內治虛寒也利膈謂利膈丸即枳殼厚朴大黃人參甘草木香當歸藿香檳榔桃仁火麻仁蜜爲丸也汞硫謂汞硫散也

四君子湯

四物湯

二陳湯

二十四味流氣飲

氣少血枯四君物痰多氣滯二陳流餘者亦同嘔吐法竭思區畫待天休

註 氣少者宜四君子湯血枯者宜四物湯痰多宜二陳湯氣

滯者宏二十四味流氣飲其餘之治法同嘔吐此病雖竭
心思區畫亦不過盡人事以待天命也

嘔吐噦總括

有物有聲謂之嘔有物無聲吐之徵無物有聲噦乾嘔面青指
黑痛厥凶

註面色青指甲黑也中痛不止肢厥不回其凶可知也

小半夏湯

橘皮半夏湯

六半夏湯

黃連半夏湯

丁香六均湯

嘔吐半夏為聖藥氣盛加橘虛蜜參熱盛薑連便閉下寒盛丁
黃薑六君

註便閉謂大小二便閉而不行宜攻下也初吐切不可下恐

逆病勢也

五汁飲

硫汞散

化滯丸

潤燥止吐五汁飲蘆薈甘蔗竹瀝薑嘔吐不下硫汞墜積痛作吐化滯良

註

五汁飲即蘆薈芍藥甘蔗竹瀝薑汁也嘔吐諸藥湯水到咽即吐者宜用重墜之藥以石硫黃二錢水銀一錢同研如煤色極細用老酒薑汁調服稍點白滾湯亦可頓服之其藥即不能吐出次日大便出黑色穢物諸湯水藥服之則不吐也如不大便黑色再服以大利為度吐而痛者乃積也宜化滯丸

諸泄總括

濕瀉

濡瀉

水瀉

洞瀉

寒瀉

飧瀉

脾瀉

腎瀉

濕勝濡瀉即水瀉多水腸鳴腹不疼寒濕洞瀉即寒瀉腸澀清
徹痛雷鳴完穀不化名飧瀉土衰木盛不升清脾虛腹滿食後
瀉腎瀉寒虛晨數行

註

濡者水也洞者直傾下也腸澀如腸屎之澀澄徹清冷也
痛腹痛也雷鳴腸鳴甚也不升清謂清氣在下不上升也
脾瀉脾虛也食瀉飲食後即瀉也晨數行每至蚤晨行瀉
數次也

食瀉 胃瀉 飲瀉 痰瀉

火瀉 暑瀉 滑瀉 大瘕瀉

傷食作瀉即胃瀉噫氣腹痛穢而黏渴飲瀉復渴飲瀉時瀉時止却屬痰火瀉陣陣痛飲冷暑瀉面垢汗渴煩滑瀉日久不能禁大瘕今時作痢看

註 過食作瀉名曰食瀉即胃瀉也穢而黏所瀉之物臭而黏也渴而飲飲而瀉瀉而復渴渴而復飲飲而復瀉飲瀉也時或瀉時或不瀉屬痰瀉也陣陣謂瀉一陣痛一陣也大瘕瀉即今時之痢疾病也

泄瀉死證

嗽命多難

不可衰脈實大五虛噦逆手足寒大孔直出無禁止下瀉上

註

五虛謂脈細皮寒氣少水漿不入大便不禁也大孔謂肛

門大孔不禁也

參苓白朮散

濕瀉胃苓分清濁寒瀉理中附子添飧瀉升陽益胃治倍加芍藥減黃連脾瀉參苓白朮散扁豆四君蓮肉攢薏苡山藥縮砂桔腎瀉二神四神丸

註

參苓白朮散即扁豆人參白朮茯苓炙草蓮肉薏苡仁山

藥縮砂桔梗也二神丸即補骨脂肉豆蔻本方加吳茱萸

五味子名四神丸

青六散

芍藥苓連葛根湯

八柱散

食瀉實下虛消導飲瀉實者神祐斟虛者春澤甘露飲痰瀉實
攻虛六君火瀉草芍苓連葛暑瀉紅麴六一勻滑瀉八柱理中
附粟殼烏梅訶蔻尋

註

食瀉形氣實者宜大承化滯等藥下之形氣虛者宜枳朮
平胃等消導之神祐斟謂雖當用神祐丸逐飲然亦斟酌
不可過也春澤謂春澤湯也甘露飲謂五苓甘露飲也芍

藥芩連葛根湯卽甘草芍藥黃芩黃連葛根也青六散卽六一散加紅麴也八柱散附子理中湯加罌粟殼烏梅訶子肉蔻也

瀉心導赤散

茯苓車前子飲

茯苓理中湯

口糜泄瀉雖云熱上下相移亦必虛心脾開竅於舌口小腸胃病化職失糜發生地通連草瀉下參苓白朮空尿少茯苓車前飲火虛苓桂理中醫

註
口瘡糜爛泄瀉一證古經未載以理推之雖云屬熱然其

上發口糜下瀉即止泄瀉方止口糜即生觀其上下相移
 之情狀亦必純實熱之所為也心之竅開於舌脾之竅開
 於口心脾之熱故上發口舌瘡赤糜爛胃主消化水穀小
 腸主盛受消化心脾之熱下移小腸胃府則運化之職失
 矣故下注泄瀉也口糜發時晚用瀉心導赤散滾湯淬服
 之即生地木通黃連甘草稍也下泄瀉時蚤晚用參苓白
 朮散糯米湯服之若小便甚少下利不止則為水走大腸
 宜用茯苓車前子二味各等分煎湯時時飲利水導熱
 若服寒涼藥口瘡不效則為虛火上泛宜用理中湯加肉
 桂大倍茯苓降陽利水降陽而口糜自消水利泄瀉自止

可並愈也

痢疾總括

大瘦小腸大腸瀉腸癖滯下古痢名外因風暑濕蒸氣內因不
謹飲食生白痢傷氣赤傷血寒虛微痛熱窘疼實墜糞前虛墜
後濕熱寒虛初久稱

註

大瘦瀉者裏急後重數至圍而不能便莖中痛也小腸瀉
者溲澁而便膿血少腹痛也大腸瀉者食已窘迫大便色
白腸鳴切痛也腸癖者飲食不節起居不時陰受之則入

五藏膈脹閉塞下爲飧瀉久爲腸癖腹痛下血也滯下者積汁垢膩與濕熱滯於腸中因而下也此皆古痢之名也然痢之爲病裏急後重下利膿血小便赤澁者濕熱鬱滯也皆積滯也後重者下墜氣滯也小便赤澁者濕熱鬱滯也皆因外受風暑濕蒸之氣內傷生冷飲食過度而生也白痢自大腸來大腸與肺爲表裏肺主氣故屬傷氣也赤痢自小腸來小腸與心爲表裏心主血故屬傷血也寒閉痛甚寒閉痛微痢閉病減故痛微也虛者少氣氣無壅滯故亦痛微也熱者多實性急不得舒通故窘痛甚也後墜下迫肛門糞出墜止爲糞前墜乃滯也故曰實墜糞出更墜爲

糞後墜非滯也故曰虛墜初痢多屬濕熱久痢多屬寒虛

也

噤口痢

水穀痢

風痢

休息痢

熱痢

寒痢

濕痢

五色痢

噤口飲食俱不納水穀糟粕雜血膿風痢墜重圉清血休息時

作復時停熱痢魚腦稠黏穢寒痢稀澀白清腥濕痢黑豆汁渾

濁五色相雜藏氣凶

註

噤口痢者下利不食或嘔不能食也水穀痢者糟粕膿血

雜下也風痢者似腸風下清血而有墜痛也休息痢者時

發作時停止也五色痢者五色膿血相雜而下也若有藏

腐屍臭之氣則凶

痢疾死證

水漿不入利不止氣少脈細皮膚寒純血噤口嘔藏氣身熱脈

大命難全

註 下利不止水漿不入氣少脈細皮膚寒死於陽絕也下利

純血噤口嘔逆藏氣身熱脈大死於陰絕也

倉廩湯

大黃黃連湯

初痢表熱宜倉廩裏熱衝心大黃連寒痢理中訶蔻縮附白桂

赤不須言

註
初痢有表證發熱者不空攻之法當先解其外用倉廩
汗之裏熱盛上衝心作嘔噤口者法當先攻其裏用大黃
黃連好酒煎服攻之寒痢空用理中湯加訶子肉蔻縮砂
白多者加附子赤多者加肉桂也

芍藥湯

初痢內外無大熱芩連枳木芍歸榔桂草尿澁滑石倍利數窘
痛入大黃

註

初痢外無表熱內熱不盛空用芍藥湯卽黃芩黃連枳實
木香芍藥當歸檳榔甘草肉桂少許也小便澁赤加滑石
下利次數無度下墜痛甚入大黃也

香連和胃湯

參連開噤湯

貼臍法

痢疾下後調氣血宜用香連和胃湯黃芩芍藥香連草陳皮白
朮縮砂當赤虛更加椿榆炒白虛參苓其炒薑噤口參連石蓮
子貼臍王瓜藤散良

註

痢疾攻後病勢大減宜調氣血用香連和胃湯即黃芩芍
藥木香黃連甘草陳皮白朮縮砂當歸也赤痢下血多虛
者當澁之加炒椿根白皮炒地榆白痢日久氣虛者加人
參茯苓炒乾薑以補之實而噤口堪下者以大黃黃連湯

下之不堪下者內以人參黃連石蓮子煎湯徐徐服之下
咽卽好外以貼臍王瓜藤散卽王瓜藤莖葉經霜者燒灰
香油調納臍中卽有效也

真人養藏湯

久痢寒熱烏梅治寒虛滑痢養藏湯參朮肉蔻歸訶桂芍藥罌粟草木香

註

久痢藏有寒熱不分者宜用烏梅丸調和之寒虛滑脫者
宜用養藏湯溫補之卽人參白朮肉蔻當歸訶子肉桂芍
藥罌粟殼甘草木香也

香連平胃散

胃風湯

水穀調中益氣治濕痢香連平胃方虛濕風痢胃風治桂粟八

珍減地黃

註水穀痢者乃脾胃虛腐化不及宜調中益氣湯濕痢宜木

香黃連合平胃散方濕而虛者宜用胃風湯即肉桂粟米

八珍湯減地黃也

五色痢休息痢治法

五色休息皆傷藏澁蚤滯熱蘊於中補之不應脈有力日久仍

攻餘法同

註

五色休息二利皆因用止澁藥蚤或因滯熱下之未盡蘊

於腸胃傷藏氣也用一切補養之藥不應則可知初病非
止澁太蚤卽下之未盡也診其脈若有力雖日久仍當攻
也其餘治法與諸痢同

疸證總括

面目身黃欲安臥小便渾黃疸病成已食如饑飽煩眩胃疸穀
疸酒疸名女勞額黑少腹急小便自利審察生黃汗微腫皆濕
熱陰黃重痛厥如冰

註 面目身黃但欲安臥小便黃渾此黃疸病已成也如已食

如饑食難用飽飽則心煩頭眩此欲作胃疸胃疸者卽穀
疸也若已見黃色疸已成矣得之於胃有濕熱大饑過食
也酒疸者得之於飲酒無度而發是病也女勞疸者疸而
額黑少腹急小便自利得之於大勞大熱與女交接也瘀
血發黃亦少腹急小便自利但不額黑耳詳在傷寒門黃
汗者汗出黃色染衣面目微腫得之於素有濕熱汗出入
水浴之也此皆濕熱而成惟陰黃則屬濕寒陰黃者身重
而痛厥冷如水詳在傷寒門

疸病死證

疸過十日而反劇色若烟熏目暗青喘滿渴煩如啖蒜面黧汗

冷及天行

註

仲景曰黃疸之病當以十八日為期治之十日以上安差
反劇為難治也色若烟熏目神暗青陽黃死證也喘滿渴
煩不已心胸如啖蒜刺痛黃毒入腹死證也面色黧黑冷
汗漉漉陰黃死證也天行疫癘發黃名曰瘟黃死人最暴
也

麻黃茵陳醇酒湯

茵陳蒿湯

梔子蘘皮湯

茵陳五苓散

表實麻黃茵陳酒裏實茵陳梔子大黃無證茵陳梔子蘘尿少茵
陳五苓湯

註

諸疸表實無汗者以麻黃茵陳無灰好酒煎服汗之裏實
不便以茵陳梔子大黃下之無表裏證以茵陳梔子蘘皮
清之小便短少以茵陳五苓散利之

胃疸湯

穀疸熱實宜乎下不實宜用胃疸湯茵陳胃苓減草朴連梔防
已葛秦方

註

胃疸湯即茵陳蒼朮陳皮白朮茯苓猪苓澤瀉黃連梔子
防已葛根秦芫也

苗陳解醒湯

梔子大黃湯

蔓菁散

加味玉屏風散

酒疸虛茵解醒湯實用梔豉枳大黃黃汗一味蔓菁散石膏茵

陳耆米防

註酒疸虛者用茵陳解醒湯即葛花解醒湯加茵陳也實者

用梔子大黃湯即梔子淡豆豉枳實大黃也黃汗宜用蔓

菁子一味為細末每服二錢日三井華水調服小便白則

愈或用加味玉屏風散即石膏茵陳黃耆白朮防風也

石膏散

腎疽湯

女勞實者高滑麥女勞虛者腎疽醫升陽散火減去芍加苓蘘

麩四苓俱

註

石膏散即煨石膏飛滑石各等分每服二錢大麥湯調服

腎疽湯即升陽散火湯減去芍藥乃升麻蒼朮防風獨活

柴胡羌活葛根人參甘草加入黃芩黃蘗神麩白木茯苓

猪苓澤瀉也

積聚總括

五積六聚本難經七癥八瘕載千金腸覃石瘕辨月事瘕癖之名別淺深藏積發時有常處府聚忽散無本根癥類積瘕瘕聚癖腸滿汁溢外寒因

註

五積六聚之名本乎難經五積者肥氣伏梁痞氣息贖奔豚也六聚者積之着於孫絡緩筋募原膈筋腸後輸脈也七癥八瘕之名載千金方七癥者蛟蛇鱉肉髮虱米也八瘕者青黃燥血脂狐蛇鱉也腸覃者積在腸外狀如懷子月事以時而下石瘕者積在胞中狀如懷子月事不以時下故曰辨月事也瘕者外結募原肌肉之間癖者內結隱

僻脊脊腸胃之後故曰別淺深也然積者屬藏陰也故發有常處不離其部聚者屬府陽也故發無根本忽聚忽散癥不移而可見故類積類瘕也瘕能移有時隱故類聚類癖也積聚癥瘕腸覃石瘕疝癖之疾皆得之於喜怒不節則傷藏飲食過飽則傷府腸胃填滿汁液外溢為外寒所襲與內氣血食物凝結相成也

積聚難證

積聚牢堅不軟動胃弱溏瀉不堪攻奔豚發作狀欲死氣上衝喉神怖驚

註

積聚牢固不動堅硬不軟則病深矣胃弱食少大便溏瀉

不堪攻矣五積之中奔豚最為難治若更發作正氣虛不能支其狀欲死從少腹起氣上衝喉神色驚怖皆惡候也

積聚治法

積聚胃強攻可用攻虛兼補正邪安氣食積癖宜化滯溫白桃仁控涎丹

註積聚宜攻然胃強能食始可用攻若攻虛人須兼補藥或

一攻三補或五補一攻攻邪而不傷正養正而不助邪則邪正相安也凡攻氣食積癖宜用秘方化滯丸方在內傷門攻積聚癥瘕宜用溫白丸即萬病紫菀丸方倍川烏攻血積血痕宜用桃仁煎即桃仁大黃各一兩蠶虫炒五錢

朴消一兩共爲末先以醇醋一觔用砂器慢火煎至多半
鍾下末藥攪良久爲小丸前一日不喫晚飯五更初溫酒
送下一錢取下惡物如豆汁雞肝未下次日再服見鮮血
止藥如無蟲重以麤重代之然不如蟲重爲愈也攻痰積
宜用控涎丹方在痰飲門

疝證總括

經云任脈結七疝子和七疝主於肝肝經過腹環陰器任脈循
腹裏之原疝證少腹引飲痛衝上衝心二便難厥吐痕癥孤出

入潰膿癰秘木癩頑

註

經曰任脈爲病男子內結七疝女子帶下瘕聚瘕聚者卽
女子之疝也七疝主任者原以任脈起中極循腹裏也七
疝主肝者蓋以肝經過腹裏環陰器也是以諸疝病無不
由是二經故主之也疝病之證少腹痛引陰丸氣上衝心
不得二便者爲衝疝也少腹痛引陰丸肝之逆氣衝胃作
吐者爲厥疝也少腹之氣不伸左右癥塊作痛者爲瘕疝
也臥則入腹立則出腹入囊似狐之晝則出穴而溺夜則
入穴而不溺者爲狐疝也少腹痛引陰丸橫骨兩端約文
中狀如黃瓜內有膿血者爲癰疝也少腹痛引陰丸小便

不通者為癰疔也少腹不痛陰囊腫大頑硬者為癰疔也
疔證同名異辨

血疔便毒潰魚口瘡癩氣墜筋卽疔水疔胞痺皆癰疔衝似小
腸腰痛連

註
有謂血疔者其證卽便毒魚口也瘡疔者其證卽癰疔也
氣疔者卽偏墜也筋疔者卽下疔也水疔小便不通胞痺
卽膀胱氣皆癰疔也衝疔證似小腸氣而更連腰痛也

諸疔治法

治疔左右分氣血尤別虛濕熱與寒寒收引痛熱多縱濕腫重
墜虛輕然

註
疝病凡在左邊陰丸屬血分凡在右邊陰丸屬氣分凡寒
則收引而痛甚熱則縱而痛微凡濕則腫而重墜而虛亦
腫墜但輕輕然而不重也又益腎甘草小茴香南山查云
當歸溫疝湯

烏桂湯

中寒冷疝歸芍附桂索茴棟澤莢苓外寒入腹川烏蜜肉桂芍
草棗薑同

註
當歸溫疝湯即當歸白芍附子肉桂延胡索小茴香川棟
子澤瀉吳茱萸白茯苓也烏桂湯即川烏蜂蜜肉桂白芍
藥炙甘草生薑大棗也

烏頭梔子湯

外寒內熱烏梔炒水酒加鹽疝痛安癩疝不問新與久三層茴香白可痊

註此茴香丸方在醫宗必讀

十味蒼蘘散

醇酒厚味濕熱疝不謹房勞受外寒蒼蘘香附青益草茴索查桃附子煎

註此散卽蒼朮黃蘘香附青皮益智甘草小茴香南山查元

胡索桃仁附子也

茴棟五苓散

大黃皂刺湯

膀胱水疝尿不利五苓茵陳與葱鹽痕鞭血疝空乎下大黃皂刺酒來煎

註大黃皂刺湯即大黃皂刺各三錢酒煎服也

羊肉湯

血分寒疝女產後臍腹連陰脹痛疼羊肉一筋薑五兩當歸三

兩水八升

奪命湯

衝疝厥疝痛上攻臍悸奔豚氣上行吳茱一味為君主肉桂澤

瀉白茯苓

青木香丸

氣疝諸疝走注痛青木香附吳萸良巴豆拌炒川棟肉烏藥草

澄小茴香

註青木香丸即青木香五錢酒醋浸炒吳茱萸一兩香附醋

炒一兩萆澄茄五錢烏藥五錢小茴香五錢巴豆仁二十

一粒研碎拌炒川棟肉五錢為末合均葱涎為小丸每服

三錢酒鹽任下立愈及能醫一切疝痛神效

茴香棟實丸

棟實狐疝一切疝棟肉茴香馬藜莞三萸二皮各一兩仍宜急

灸大敦安

註

茴香棟實丸治狐疝及一切諸疝卽川棟肉小茴香馬藜
花芫花醋炒變焦色山茱萸吳茱萸食茱萸青皮陳皮各
一兩爲末醋糊爲小丸酒送二錢

按

大敦肝經穴在足大指甲後有毛處諸疝均宜灸之卽安

大婢孫孫宛在張大龍甲發存玉銀精液以必進之助矣

一兩鐵末翻附然小共斷差二逾

蘇美其制越變燕心山菜黃以五食效其言更則效矣

其苗香料其以白似其又一附其味則其對肉小苗香其苗

御纂醫宗金鑑卷四十三

編輯雜病心法要訣目錄

頭痛眩暈

眼目

牙齒口舌

咽喉

肩背痛

心腹諸痛

胸脇痛

腰痛

小便閉癰遺尿不禁

大便燥結

遺尿不禁

大便燥結

御纂醫宗金鑑卷四十三

編輯雜病心法要訣

頭痛眩暈總括

頭痛痰熱風濕氣或兼氣血虛而疼在右屬氣多痰熱左屬血
少更屬風因風眩暈頭風痛熱暈煩渴火上攻氣鬱不伸痰嘔
吐濕則重痛虛動增

註

頭痛屬痰屬熱屬風屬濕屬氣或兼氣虛血虛因風而痛
謂之頭風必眩暈因熱而痛暈者則煩渴因氣鬱而痛暈
者則志意不伸因痰而痛暈者則嘔吐痰涎因濕而痛暈
者則頭重不起因虛而痛暈者動則更痛更暈也

頭痛眩暈死證

真頭腦痛朝夕死手足厥逆至節青瀉多眩暈時時冒頭卒大痛目瞽凶

註

真頭風痛連腦內手足青冷至肘膝之節朝發夕死凡頭痛眩暈時時迷冒及頭目卒然大痛目視不見或瀉多之後皆凶證也

葶芫散

芎芷石膏湯

頭風嗜鼻熱葶芫芫芫濕盛瓜蒂入茶茗風盛日久三聖散內服芎芷石膏靈芎芷石膏菊羌藁苦加細辛風防荆熱加梔翹苓薄

草便秘尿紅消黃攻如人無血出天天無出利於肺于劑於心

註

一切頭風兼熱者以草芩散嗜鼻即草芩一味為末用豬

膽汁拌過嗜之作噎立愈一切頭風兼濕者以瓜蒂松蘿

茶二味為末嗜之出黃水立愈頭風風盛時發日久不愈

則多令人目昏以三聖散嗜之方在中風門內用芎芷石

膏湯即芎芷石膏菊花羌活藁本也苦痛者加細辛風盛

目昏加防風荆芥穗熱盛加梔子連翹黃芩薄荷甘草大

便秘小便赤加消黃攻之自愈也

茶調散

濟世

御藥

卷四十一

風

七

滾痰丸

人參芎附湯

風熱便利茶調散雷頭荷葉蒼與升痰熱滾痰芎作引虛寒真痛附參芎

註雷頭風痛頭面疔瘡耳聞雷聲空清震湯即荷葉蒼朮升

麻也人參芎附湯即人參川芎川附也

芎犀丸

偏正頭風芎犀丸血虛四物薄羌天氣虛補中加芎細氣逆降氣黑鉛丹

註血虛面少血色或久脫血也天天麻也降氣蘇子降氣湯

芎麻湯

半夏白朮天麻湯

欲吐暈重風痰痛芎麻湯下白丸寧虛者六君者乾蘗天麻麩
蘗澤蒼同

註

麻天麻也白丸青州白丸子也虛者謂風痰兼氣虛者宜
半夏白朮天麻湯卽六君子加黃耆乾薑黃蘗天麻神麩
麥蘗澤瀉蒼朮也

荆穗四物湯

頭暈頭痛同一治血虛物穗氣補中氣血兩虛十全補上盛下

虛黑錫靈

註頭暈之虛實寒熱諸證同乎頭痛一治法也其有因血虛

宜用荆穗四物湯即當歸川芎白芍熟地黃荆芥穗也氣

虛宜用補中益氣湯氣血兩虛宜用十全大補湯上盛下

虛宜用黑錫丹

眼目總括

目為五藏六府精氣白筋黑骨精瞳血為眥絡肉約束裹攝系屬腦項中經熱膜開因風入合邪上攻赤腫疼輕者外障生雲

翳重者積熱頓傷睛

註經曰五藏六府之精氣皆上注於目而為之精精之窠為眼氣之精為白眼筋之精為黑眼骨之精為瞳子血之精為絡背肉之精為約束即眼胞也果擷筋骨血氣之精而與脈系上屬於腦後出於項中因經熱蒸開腠理故風邪得以入之風熱之邪合上攻於目赤腫疼痛輕者則為外障或暴生雲翳重者則積熱之甚陡然痛傷睛也

外障病證

火眼赤腫淚澁痛靛腫多熱軟多風瞼粟爛弦鷄蠅肉努肉赤
脈貫瞳睛血灌瞳人高突起旋螺尖起懈睛疼拳毛風淚風痒

極赤膜下垂黃膜衝

註

風熱上攻目赤腫痛多淚隱澁難開火眼也腫而硬者屬熱盛也空先下之腫而軟者屬風盛也空先發散兩瞼上下初生如粟漸大如米或赤或白不甚疼痛謂之瞼生風粟兩瞼粘睛赤爛痒痛經年不愈謂之爛弦風又名赤睛瞼內如雞冠蜆肉翻出視物阻礙痛楚羞明謂之鷄冠蜆肉此皆脾經風熱爲病也兩眦筋膜努出謂之努肉攀睛兩眦赤脈漸漸侵睛謂之赤脈貫睛兩眼混赤如朱痛如鍼刺謂之血灌瞳人兩眼痒痛忽然突起謂之突起睛高目中大痛忽生翳膜狀如旋螺謂之旋螺尖起目中大痛

忽然瞳睛努如蟹目謂之蟹睛疼痛又名損翳此皆肝心
二經積熱也兩臉燥急睫毛倒刺謂之倒睫拳毛兩目衝
風淚出涓涓冬月尤甚謂之迎風流淚兩目連皆痒極不
痛謂之風痒難任目中從下忽生黃膜侵睛疼痛謂之黃
膜上衝目中從上忽生赤膜垂下遮睛謂之赤膜下垂又
名垂簾翳此皆心肝脾三經風熱爲病也

內障病證

內障頭風五風變珠白黃綠不光明頭風痛引目無淚相注如
坐暗室中綠風頭旋連鼻痛兩角相牽引目疼時或白花紅花
起同綠黑花爲黑風烏花不旋漸昏暗黃風雀目久金睛青風

微旋不痒痛青花轉轉目昏蒙

註

內障之病每因頭風五風變成初病瞳珠漸漸變色睛裏

隱隱似翳或白或黃或綠雖與不患之眼相似然無精彩

光明射人病頭風者發則頭痛引目無淚或左目或右目

或先左目或後右目相注不定如坐暗室之中此頭風傷

目之漸也綠風者頭旋兩角連鼻相牽引目疼痛時或見

起白花紅花此綠風傷目之漸也黑風者證同綠風時時

見起黑花此黑風傷目之漸也烏風者亦同黑風但不旋

暈而見烏花漸漸昏暗此烏風傷目之漸也黃風者久病

雀目瞳睛金色此黃風傷目之漸也青風者頭微旋不痒

不痛但見青花轉轉日漸昏蒙此青風傷目之漸也

菊花通聖散

洗刀散

暴發火眼通聖菊外障等證減加方風盛羌加防麻倍熱盛加連倍消黃痛生翳膜多傷目洗刀更入細獨羌元參木賊白蒺藜草決蟬蛻蔓青箱

註菊花通聖散即防風通聖散加菊花也洗刀散即本方更

加細辛羌獨蔓荆青箱子等藥也

內外障治

外障無寒一句了五輪變赤火因生內障有虚心腎弱故如不

病損光明火能外鑑水內照養神壯水自收功五風內變諸翳障眼科自有法能攻

註

外障目病子和曰目不因火不病所以五輪變赤氣輪白睛火乘肺也肉輪目胞火乘脾也風輪黑睛火乘肝也水輪瞳人火乘腎也血輪兩眦火自甚也故能治火者一句便了也治火之法在藥則鹹寒吐之下之在鍼則神庭上星顙會前項百會刺之翳者可使立退痛者可使立已昧者可使立明腫者可使立消矣內障目病雖亦無寒然有虛也虛或兼熱亦屬虛熱故不赤腫疼痛如不病眼人但不精彩光明也心虛則神不足神者火也火內暗而外明

故不能外鑑而失其光明也腎虛則精不足精者水也水
外暗而內明故不能內照而失其光明也心虛者則養心
神腎虛者則壯腎水自可收功於不明也其五風內變諸
翳如圓翳水翳清翳澁翳散翳橫翳浮翳沉翳偃月棗花
黃心黑風等翳俱列在眼科方書自有治法難以盡述此
特其大槩耳

牙齒口舌總括

牙者骨餘屬乎腎牙齦手足兩陽明齒長豁動為腎憊牙疼胃

火風寒蟲不怕冷熱為風痛火腫喜冷得寒疼寒不腫蛙喜熱飲蟲牙蝕盡一牙生

註

牙齒者骨之餘屬乎腎也若無故齒長疎豁而動則為腎衰憊也上牙齦屬足陽明下牙齦屬手陽明牙痛皆牙齦作痛惟寒牙痛則為受寒犯腦多頭連齒痛為寒邪也故喜熱飲不腫不蛀也餘者皆為胃火邪風濕熱也火牙疼多腫喜飲冷得寒則更疼者讐仇之意也蟲牙則一牙作痛蝕盡一牙又蝕一牙作痛也

骨槽風

牙疔瘡

骨槽齧頰腫硬疼牙齧腐爛出血膿牙疳腫硬潰血臭皆因痘疹癖疾成

註骨槽風者牙齧連頰硬腫疼痛牙齧腐爛出血膿也牙疳以骨槽潰後腫硬不消然出臭血而不出膿水也且皆痘疹癖疾之後而成也

清胃散

清胃血分火牙痛生地歸連升牡饒氣分空加荆防細積熱涼膈八升膏

註

胃火牙痛赤腫出血者則為血分空用清胃散即生地當歸黃連升麻牡丹皮也饒者倍加升麻丹皮也若腫痛牙

齧不出血者則為氣分宜加荊芥防風細辛以散其熱若
腸胃積熱腫痛爛臭宜用涼膈散加升麻石膏以下其熱
可也

溫風散

溫風風牙歸芎細葦菱藁芷露蜂房寒牙痛加羌麻附半服含
漱吐涎良

註

不甚腫痛不怕冷熱為風牙痛宜用溫風散即當歸川芎
細辛葦菱藁本白芷露蜂房也不腫痛甚喜飲熱湯為寒
牙痛宜本方再加羌活麻黃川附子溫而散之二方俱服
一半含漱一半連涎吐之自好也

一笑丸

玉池散

薰藥

諸牙椒巴飯丸咬玉池藁芷骨槐辛歸芎大豆升防草蟲牙葱
韭子烟薰

註諸牙謂諸牙痛也均空一笑丸卽川椒七粒爲末巴豆一

粒去皮研勻飯爲丸綿裹咬痛處吐涎卽止均空用玉池
散卽藁木白芷地骨皮槐花細辛當歸川芎黑豆升麻防
風甘草煎湯熱漱冷吐蟲牙亦空此咬漱更須用韭子或
葱子置小爐中燒之擱在大水碗內覆以漏斗口向蟲牙

痛處薰之其蟲極小皆落水碗之中累效

蕪荑消疳湯

牙疳雖有專科治然皆未曉累攻神能食便軟猶當下雄黃黃
薈二連苓

註

牙疳一病殺人最速雖有專科然皆未曉累攻之法累攻
者今日攻之明日又攻之以腫硬消黑色變臭氣止爲度
若不能食或隔一日或隔二三日攻之攻之後漸能食不
必戒口任其所食雖大便溏仍量其輕重攻之自見其神
若竟不思食難任攻下則死證也攻藥用蕪荑消疳湯卽
雄黃蕪荑生大黃蘆薈川黃連胡黃連黃芩也

口舌證治

脣口屬脾舌屬心口舌瘡糜蘊熱深口淡脾和臭胃熱五味內
溢五熱淫木舌重舌舌腫大脣腫脣瘡緊繭脣暴發赤痛多實
熱淡白時痛每虛因

註

口舌生瘡糜爛名曰口糜乃心脾二經蘊熱深也平人口
淡故曰脾和口出氣臭則爲胃熱不因食五味而口內溢
酸味者乃肝熱淫脾也苦味者心熱淫脾也甘味者本經
熱自淫也辛味者肺熱淫脾也鹹味者腎熱淫脾也木舌
謂舌腫硬不痛也重舌謂舌下腫似舌也舌腫謂舌腫大
也脣腫謂脣腫痛厚也脣瘡謂脣腫潰裂成瘡也緊繭脣

謂脣緊小燥裂也以上之證皆屬心脾胃經蘊熱若暴發赤腫痛甚多為實熱宜以涼膈散梔子金花湯急下其熱可即愈也若日久色淡瘡白時痛不痛每屬虛熱宜清心蓮子飲知藥四物湯補中兼清可也或服涼藥久不愈者以七味地黃湯冷服引火歸原不效甚者加附子可立愈也

咽喉總括

胸膈風熱咽喉痛邪盛單雙乳蛾生熱極腫閉名喉痺語言難

出息不通痰盛涎繞喉間響內外腫閉纏喉風喉痺纏喉皆危
證潰後無膿腫閉凶

註

胸膈上有風熱則咽喉腫痛風熱之邪若盛則生單雙乳
蛾在會厭兩傍高腫似乳蛾故名也熱極則腫閉湯水不
下言語難出呼吸不通名曰喉痺若熱極更兼痰盛則痰
涎繞於喉間聲響咽喉內外腫閉湯水不下名曰纏喉風
皆危病也或服藥或吹藥或鍼刺潰破出膿血則愈若潰
後不出膿血仍然腫閉湯水不下則死矣

如意勝金錠

雄黃解毒丸

咽痛消毒涼膈散單雙乳蛾刺而痊喉痺纏喉勝金錠急攻痰
熱解毒丸昏噤牙關湯不下從鼻吹灌度喉關吐下之後隨證
治潰爛珍珠散上安

註

咽喉初起腫痛宜用消毒涼膈散即防風荆芥牛蒡子梔

子連翹薄荷黃芩甘草大黃芒消也單雙乳蛾則刺少商

出血在左刺左在右刺右在左右刺左右也喉痺纏喉初

起病勢未甚或狀如傷寒宜服如意勝金錠即硫黃川芎

臘茶火消薄荷生川烏生地黃各等分爲末葱自然汁合

爲錠重一錢薄荷湯磨化服甚者連進三次若痰涎壅盛

喉間內外腫閉湯水難下病勢危急宜用雄黃解毒丸即

雄黃水飛鬱金細末各二錢半巴豆仁肥白者十四粒微
法油以成散爲度合均醋糊爲丸如菘豆茶清下七丸便
利吐痰則愈若昏冒牙關噤急湯不能下將藥用醋化開
十丸按中風門之法嚙入鼻內吐下則愈其後隨證調治
可也若雖愈咽喉潰爛以珍珠散上之卽好

吹喉七寶散

咽喉諸證七寶散消皂螫雄礪二礬細研如塵取一字吹中患
處效如神

註

咽喉諸證謂咽喉腫痛單雙乳蛾喉痺纏喉也七寶散卽

火消牙皂全螫雄黃礪砂白礬膽礬也

肩背總括

通氣防風湯

通氣太陽肩背痛羌獨藁草蔓防芎氣滯加木陳香附氣虛升
柴參耆同血虛當歸白芍藥血瘀薑黃五靈紅風加靈仙濕二
木研送白丸治痰疑

註

李杲羌活勝濕湯又名通氣防風湯治太陽經風濕肩背

痛則羌活獨活藁本甘草蔓荊子防風川芎也兼氣鬱滯
痛者則常常作痛加木香陳皮香附也氣虛鬱痛者則時

止時痛加升麻柴胡人參黃耆也血虛鬱痛者則夜甚時
止加當歸白芍藥也血瘀鬱痛者則夜痛不止加薑黃五
靈脂紅花也風氣鬱盛者痛則項肩強加威靈仙也濕氣
鬱甚者痛則肩背重加蒼朮白朮也痰風凝鬱者痛則嘔
眩用本湯研送青州白丸子也

心腹諸痛總括

心痛岐骨陷處痛橫滿上胸下胃脘當臍脾腹連腰腎少腹小
大腸脇肝蟲痛時止吐清水症即中惡寒外干悸分停飲與思

慮食卽停食冷內寒水停痰飲熱胃火氣卽氣滯血瘀緣隨證分門檢方治真心黑厥至節難

註

岐骨陷處痛名心痛橫滿連胸名肺心痛下連胃脘名胃心痛連臍名脾心痛連腰名腎心痛連少腹名大腸小腸痛連脇名肝心痛時止吐清水名蟲心痛中惡腹痛名疰痛寒邪外干名中寒痛悸而痛名悸心痛水停心下屬飲也思慮傷心屬傷也停食痛停水痛停痰痛胃火痛氣滯痛血瘀痛皆不死之證也當分門施治惟真心痛面色黑四肢逆冷至節死證也

化滯丸

清中湯

攻濕積熱求化滯攻寒積水備急丹火痛二陳梔連蔻蟲用烏梅飲控涎

註化滯丸成方也清中湯即陳皮半夏茯苓甘草薑炒山梔

黃連草豆蔻也

木香流氣飲

七情鬱結流氣飲思慮悸痛歸脾湯內寒理中外五積疼痛備急血抵當

小建中湯

木來乘土腹急痛緩肝和脾小建中血虛寒痛羊肉治氣虛理

中加陳青

註 羊肉謂羊肉湯也

烏頭梔子湯

刮諸鬱痛烏梔子刮而復痛入元明已經吐下或虛久急痛欲死求鴉鳴

註 諸鬱謂諸寒火鬱而痛也寒多炮川烏為主熱多薑炒梔

子為主元明元明粉也鴉鳴謂以真鴉片末或加麝香少許飯丸如桐子大每服三五丸引在本草名一粒金丹

此方見於御象醫宗金鑑卷四十三

胸脇總括

栝藟薤白白酒湯

栝藟薤白半夏湯

栝藟薤白白酒湯胸痺胸背痛難當喘息短氣時咳唾難臥仍

加半夏良

註栝藟薤白白酒湯即栝藟實小根菜水白酒煎也

顛倒木金散

胸痛氣血熱飲痰顛倒木金血氣安飲熱大陷小陷治頑痰須

用控涎丹

註胸痛之證須分屬氣屬血屬熱飲屬老痰顛倒木金散即

木香鬱金也屬氣鬱痛者以倍木香君之屬血鬱痛者以
 倍鬱金君之為末每服二錢老酒調下虛者加人參更效
 胸中有痰飲熱作痛者輕者小陷胸湯重者大陷胸湯丸
 治之若吐唾稠黏痰盛則用控涎丹

枳芎散

枳橘散

柴胡疎肝湯

加味逍遙散

左金丸

當歸龍薈丸

脇痛左屬瘀留血輕金芎枳草重攻右屬痰氣重逐飲片薑橘
枳草醫輕肝實太息難轉側肝虛作痛引肩胸實用疎肝柴芎
草香附枳陳與川芎肝虛逍遙加芎細陳皮生薑緩其中肝虛
左金實龍薈一條扛起積食攻

註

左屬瘀血輕謂瘀血輕者宜用枳芎散重攻謂瘀血重者
宜以攻血之劑也枳芎散卽枳殼撫芎鬱金甘草也右屬
痰氣重逐飲謂以控涎十棗逐痛之重者也枳橘散卽枳
殼橘皮片子薑黃甘草醫痛之輕者也柴胡疎肝散卽柴
胡白芍甘草香附枳殼陳皮川芎也逍遙散卽白朮茯苓
當歸白芍柴胡炙草薄荷少許加川芎細辛陳皮生薑也

左金即左金丸吳茱萸黃連也肝實火旺者當歸龍薈丸
積食者以化滯丸積飲者以控涎丹

腰痛總括

腰痛腎虛風寒濕痰飲氣滯與血瘀濕熱閃挫凡九種面忽紅

黑定難醫

註腰痛之證其因不同有腎虛有風有寒有濕有痰飲有氣

滯有血瘀有濕熱有閃挫凡患腰痛極甚而面色忽紅忽

黑是為心腎交爭難治之證也

安腎丸

腰痛悠悠虛不舉寄生青娥安腎丸葫盧骨脂川棟續桃杏苗

芥山藥鹽

註寄生謂獨活寄生湯青娥丸即補骨脂杜仲核桃仁也安

腎丸即葫盧巴補骨脂川棟肉川續斷桃仁杏仁小茴香

茯苓山藥也鹽鹽湯為引也

羌活勝濕湯

通經丸

腰痛屬寒得熱減五積吳萸桃杜安寒濕重著勝濕附內實通
經疏麴牽風痛無常掣引足經虛當用寄生痊經實非汗不能

解續命湯加牛杜穿

註

五積散加吳茱萸桃仁杜仲羌活勝濕湯即防風通氣湯
加附子也通經丸即硫黃黑牽牛頭末麥麩合丸煮浮起
服方出本草小續命湯加牛膝杜仲炒穿山甲也

通氣散

活絡丹

氣滯閃挫通氣散木陳穿索草茴牽血瘀不移如錐刺日輕夜

重活絡丹

註

通氣散即木香陳皮穿山甲元胡索甘草小茴香白牽牛
也活絡丹即川烏草烏南星地龍乳香沒藥也加五靈脂

香丸效

蒼蘖散

煨腎散

濕熱熱注足蒼蘖二妙牛杜已瓜芎腰如物覆濕痰畜煨腎椒

鹽遂有功

註蒼蘖散即蒼朮黃蘖牛膝杜仲防已木瓜川芎也煨腎散

即猪腰子剖開入川椒食鹽甘遂末濕紙裹煨熱酒食之

小便閉癰遺尿不禁總括

膀胱熱結爲癰閉寒虛遺尿與不禁閉卽尿閉無滴出少腹脹滿痛難伸癢卽淋瀝點滴出莖中澁痛數而勤不知爲遺知不禁石血膏勞氣淋分

註膀胱熱結輕者爲癰重者爲閉膀胱寒虛輕者爲遺尿重者爲不禁閉者卽小便閉無點滴下出故少腹滿脹痛也癰者卽淋瀝點滴而出一日數十次或勤出無度故莖中澁痛也不知而尿出謂之遺尿知而不能固謂之小便不禁

小便閉遺尿死證

嘔噦尿閉爲開格若出頭汗命將傾傷寒狂冒遺尿死尿閉細

瀉不能生

註上為嘔噦不入下為小便不通則陰陽之氣關格若出與汗則為陽絕故命傾也傷寒狂冒屬陽邪盛遺尿屬陰不守若尿閉脈細澁知陰亦竭故俱死也

治癰閉熨吐汗三法

陰陽熨臍葱白麝令熱互熨尿自行宜上木通葱探吐達外葱湯薰汗通

註用葱白一筋細剉入麝香五分拌勻分二包置臍上先以炭火熨斗熨之半炷香時換一包以冷水熨斗熨之互相遞熨以尿通為度服諸藥不效或服藥即時吐出或服攻

下藥不利宜用宣上法以木通老葱煎湯服頃時探吐再服再吐以尿通為度服諸藥不效或身無汗宜用達外法以葱湯入木桶內令病人坐於杌上沒臍為度匝腰繫裙以覆之少時汗出其尿自出欲尿時不可出桶即於桶內溺之恐出桶氣收而尿又回也

小便不通

通關丸

熱實不化大便鞭癢閉八正木香淫陽虛不化多厥冷惡寒金匱腎氣丸陰虛不化發午熱不渴知葶桂通關氣虛不化不急滿倦怠懶言春澤煎

註小便不通熱實者宜用八正散加木香陽虛者宜用金匱
腎氣丸陰虛者宜用通關丸即知母黃蘗肉桂少許也氣
虛宜用春澤湯即五苓散加人參也

八正散

石淋猶如蠟結鎗是因濕熱煉膀胱一切熱淋八正扁通滑梔
瞿草車黃

註八正散即扁蓄木通瞿麥梔子滑石甘草車前子大黃也
小蘗飲子

血淋心遺熱小腸實熱仍宜下之良清熱小蘗梔滑淡歸藕通
蒲草地黃

註 淡淡竹葉也藕藕節也蒲蒲黃也

海金沙散

鹿角霜丸

膏淋尿濁或如涕精溺俱出海草滑熱盛八正加蒼朮虛用秋

苓鹿角佳

註 海海金沙也秋秋石也苓茯苓也鹿角鹿角霜糯米糊為

八丸也

加味八正散

氣淋肺熱難清肅八正石葦木葵沉內傷氣虛不能化五苓益

氣自通神

註 八正散加石葦木香冬葵子沉香五苓合補中益氣湯黃
補中益氣湯合五苓散

清心蓮子飲

勞淋內傷補中苓腎氣知蘖過淫成勞心清心蓮地骨耆苓車

麥草參苓

註 內傷勞脾用補中益氣湯合五苓散勞腎陽虛用金匱腎

氣湯陰虛用知蘖地黃湯思慮勞心用清心蓮子飲是方

即蓮子地骨皮黃耆黃苓車前子麥門冬生甘草人參白

茯苓也

琥珀散

痰淋七氣白丸子熱燥清熱用滋陰諸淋平劑琥珀木葵菴通滑歸鬱金

註

七氣湯見諸氣門青州白丸子見類中風門滋陰通關丸

也木木香也葵冬葵子也

桂附地黃丸

補中益氣湯加白果方

坎離既濟湯加山萸肉五味子方

遺尿不禁淋尿白桂附補中白果煎補之不應或尿赤生地知

葉萸味攢

註

遺尿不禁及諸淋尿色白者皆屬寒虛寒者用桂附地黃

湯加白果虛者用補中益氣湯加白果凡遺尿不禁諸淋
尿色赤者或補之不應者亦有熱虛用坎離既濟湯即生
地知母黃蘗加山萸肉五味子也

大便燥結總括

熱燥陽結能食數寒燥陰結不食遲實燥食積熱結胃食少先
鞭後澹脾氣燥阻隔不降下血燥乾枯老病虛風燥久患風家
候直腸結鞭莖之空

註熱燥即陽結也能食而脈浮數有力與三陽熱證同見者

也寒燥卽陰結也不能食而脈沉遲有力與三陰寒證同見者也實燥卽胃實鞭燥也與腹滿痛同見者也虛燥卽脾虛先鞭後澹之燥也與少氣腹縮同見者也氣燥卽氣道阻隔之燥也與噎膈反胃同見者也血燥卽血液乾枯之燥也與久病老虛同見者也風燥卽久患風病之燥也從風家治直腸結卽燥屎巨鞭結在肛門難出之燥也從導法治之

結燥治法

溫脾湯

握藥法

熱實脾約三承氣寒實備急共溫脾大黃薑附桂草朴寒虛疏
半握藥醫虛燥益氣消黃入血燥潤腸與更衣氣燥四磨參利
膈風燥搜風順氣空

註

溫脾湯卽大黃乾薑附子肉桂甘草厚朴也硫半丸卽硫
黃半夏也握藥卽巴豆仁乾薑韭子良薑硫黃甘遂白檳
榔各五分爲末合均飲和分二粒先以花椒湯洗手麻油
塗手心握藥移時便瀉欲止則以冷水洗手益氣卽補中
益氣湯加大黃朴消潤腸丸卽當歸生地枳殼桃仁火麻
仁各等分爲末蜜丸米飲早服更衣丸卽生蘆薈硃砂末
等分飯丸酒服四磨湯卽人參烏藥沉香檳榔也參利膈

即人參利膈丸也搜風順氣即搜風順氣丸也

[Faint bleed-through text from the reverse side of the page, including characters like 人參, 利膈, 搜風, 順氣, 丸, 也]

御纂醫宗金鑑卷四十四

編輯婦科心法要訣目錄

調經門

婦科總括

天癸月經之原

婦人不孕之故

月經之常

月經異常

外因經病

內因經病

不內外因經病

血色不正病因

氣穢清濁病因

愆期前後多少病因

經行發熱時熱

經行寒熱身痛

經行腹痛

經行瀉吐

錯經妄行成吐衄崩

經水過多兼時下白帶

調經證治

四君子湯

異功散

六君子湯

香砂六君子湯

七味白朮散

參苓白朮散

歸脾湯

逍遙散

八珍湯

十全大補湯

雙和飲

人參養榮湯

理中湯

四物湯

桂枝四物湯

麻黃四物湯

柴胡四物湯

玉燭散

先期證治

芩連四物湯

地骨皮飲

膠艾四物湯

芩朮四物湯

桃紅四物湯

當歸補血湯

聖愈湯

薑芩四物湯

佛手散

過期證治

過期飲

雙和飲

聖愈湯

人參養榮湯

經行發熱時熱證治

加味地骨皮飲

六神湯

逍遙散

經行寒熱身痛證治

羌桂四物湯

逍遙散

黃耆建中湯

經行腹痛證治

當歸建中湯

加味烏藥湯

琥珀散

大溫經湯

吳茱萸湯

經行吐瀉證治

參苓白朮散

理中湯

七味白朮散

香砂六君子湯

錯經妄行吐衄崩證治

三黃四物湯

犀角地黄湯

經閉門

血滯經閉

血虧經閉

血枯經閉

經閉久嗽成勞

婦人經斷復來

室女經來復止

師尼室寡經閉

血滯經閉證治

三和湯

吳茱萸湯

琥珀散

四物湯

血枯血虧經閉證治

六味地黃湯

玉燭散

養榮湯

十全大補湯

經閉久嗽成勞證治

芎藭勞散

婦人經斷復來證治

芎心丸

益陰煎

十全大補湯

八珍湯

逍遙散

歸脾湯

室女師尼寡婦經閉證治

大黃廔蟲丸

澤蘭葉湯

栢子仁丸

逍遙散

婦病難治

診看婦人須先問經期妊娠

補腦精

補腦精人取去間臥

神手水

龍涎

大黃

藥酒

室女

...

...

御纂醫宗金鑑卷四十四

編輯婦科心法要訣

調經門

婦科總括

男婦兩科同一治所異調經崩帶癥嗣育胎前並產後前陰乳疾不相同

註婦人諸病本與男子無異故同其治也其異於男子者惟調經經閉帶濁崩漏癥瘕生育子嗣胎前產後諸病及乳疾前陰諸證不相同耳故立婦人一科以分門而詳治焉業是科者必先讀方脈心法諸書然後讀此自有豁然貫

通之妙

天癸月經之原

先天天癸始父母後天精血水穀生女子二七天癸至任通衝
盛月事行

詩

先天天癸謂腎間之動氣乃稟自父母資其始也後天精
血謂水穀之所化得之形成之後資其生也經曰女子二
七而腎氣盛謂腎間動氣盛也二七而天癸至謂先天癸
水中之動氣至於女子胞中也衝爲血海任主胞胎衝任
皆起於胞中所以任脈通太衝脈盛月事以時下故能有
子也

婦人不孕之故

不子之故傷任衝不調帶下經漏崩或因積血胞寒熱痰飲脂膜病子宮

註

女子不孕之故由傷其任衝也經曰女子二七而天癸至任脈通太衝脈盛月事以時下故能有子若為三因之邪傷其衝任之脈則有月經不調赤白帶下經漏經崩等病生焉或因宿血積於胞中新血不能成孕或因胞寒胞熱不能攝精成孕或因體盛痰多脂膜壅塞寒胞中而不孕皆當細審其因按症調治自能有子也

月經之常

月經三旬時一下兩月並月三居經一年一至為避年一生不
至孕暗經

註女子陰類也以血為主其血上應太陰下應海潮月有盈

虧潮有朝夕月經三旬一下與之相符故又謂之月水月

信也女子月經一月一行者其常也或先或後乃其病也

然亦有兩月一行謂之並月者有三月一行謂之居經者

有一年一行謂之避年者有一生不行而依然能孕育謂

之暗經者此所稟之不同而亦非病不須治也

不月經異常

經期吐血或衄血上溢妄行曰逆經受孕行經曰垢胎受孕下

血漏胎名

註 婦女月經一月一下此其常也若經行而吐血衄血上溢
妄行者是謂逆經有受孕之後月月行經而產子者是謂
垢胎有受孕數月其血忽下而胎不墮者是謂漏胎此皆
月經之異乎常者也

外因經病

天地溫和經水安寒凝熱沸風盪然邪入胞中任衝損婦人經
病本同參

註

經曰天地溫和則經水安靜天寒地凍則經水凝泣天暑
地熱則經水沸溢卒風暴起則經水波湧而隴起六淫之

邪入於胞中則損傷衝任故婦人經病本此同叅也如寒則血凝熱則血沸風則血盪然波湧而大下亦猶經水之被寒熱風而不得安瀾也

內因經病

婦人從人不專主病多憂忿鬱傷情血之行止與順逆皆由一氣率而行

註

婦人從人凡事不得專主憂思忿怒鬱氣所傷故經病因於七情者居多蓋以血之行止順逆皆由一氣率之而行

也

不內外因經病

血者水穀之精氣若傷脾胃何以生不調液竭血枯病合之非道損傷成

註

血者水穀之精氣也在男子則化爲精在婦人則化爲血上爲乳汁下爲月水若內傷脾胃健運失職飲食減少血無以生則經必不調亦有女子天癸既至踰期不得與男子合未期則思與男子合與夫經正行時而合此皆合之非道亦致不調或過淫合多則液竭產多乳衆則血枯亦皆能損傷陰血致成經病也

血色不正病因

血從陽化色正紅色變紫黑熱之徵黃泔淡紅濕虛化更審痧

塊黯與明

註血屬陰從陽化故其色以正紅為正雖有經病亦易為治也若色變深紅紫黑乃熱之徵也或黃如米泔乃濕化也淺淡紅白乃虛象也更當審其有瘀有塊色黯色明以治之若黯而紫黑兼見冷證多屬寒凝若明而紫黑兼見熱證多屬熱結也

氣穢清濁病因

熱化稠黏臭必穢寒化清澈臭則腥內潰五色有穢氣時下而多命必傾

註凡血為熱所化則必稠黏臭穢為寒所化則必清澈臭腥

若是內潰則所下之物雜見五色似乎膿血若更有穢腐
敗氣且時下不止而多者是危證也其命必傾矣
愆期前後多少

經來前後爲愆期前熱後滯有實虛淡少爲虛不脹痛紫多脹
痛屬有餘

註經來或前或後謂之愆期皆屬經病經來往前趕日不足

三旬者屬血熱若下血多色深紅而濁則爲有餘之熱若
下血少色淺淡而清則爲不足之熱也經來往後退日過
三旬後者屬血滯若色淺淡血少不脹痛者則屬氣虛血
少滯滯不足之病若色紫血多腹脹痛者則屬氣實血多

瘀滯有餘之病也

經行發熱時熱

經行發熱時潮熱經前血熱經後虛發熱無時察客熱潮熱午後審陰虛

註

經行發熱時熱潮熱之病若在經前則為血熱之熱經後則為血虛之熱發熱時熱多是外感須察客邪之熱午後潮熱多屬裏熱當審陰虛之熱也

經行寒熱身痛

經來寒熱身體痛當分榮衛與虛實有汗不脹衛不足無汗而脹榮有餘

註
經來之時惡寒發熱身體疼痛者當分榮衛虛實若發熱
惡寒身痛不脹而有汗者屬衛虛榮不足若發熱惡寒身
脹痛而無汗者屬榮實衛有餘也

經行腹痛

腹痛經後氣血弱痛在經前氣血凝氣滯腹脹血滯痛更審虛
實寒熱情

註
凡經來腹痛在經後痛則為氣血虛弱經前痛則為氣血
凝滯若因氣滯血者則多脹滿因血滯氣者則多疼痛更
當審其凝滯作脹痛之故或因虛因實因寒因熱而分治
之也

經行吐瀉

經行泄瀉是脾虛鴨溏清痛乃寒濕胃弱飲傷多嘔飲食傷必痛吐其食

註 經行泄瀉乃脾虛也若鴨溏冷痛是寒濕也經行嘔吐是

胃弱也若嘔出涎飲則是傷飲若吐出食物則是傷食然

傷食者多痛而吐食傷飲者不痛而嘔飲也

錯經妄行成吐衄崩

逆行吐血錯行崩熱傷陰陽絡妄行血多熱去當用補血少雖

虛須主清

註 婦女經血逆行上為吐血衄血及錯行下為崩血者皆因

熱盛也傷陰絡則下行爲崩傷陽絡則上行爲衄也若
去血過多則熱隨血去當以補爲主如血少熱尙未減雖
虛仍當以清爲主也

經水過多兼時下白帶

多清淺淡虛不攝稠黏深紅熱有餘兼帶時下濕熱穢形清腥
穢冷濕虛

註經水過多清稀淺紅乃氣虛不能攝血也若稠黏深紅則
爲熱盛有餘或經之前後兼赤白帶而時下臭穢乃濕熱
腐化也若形清腥穢乃濕痰寒虛所化也

調經證治

四君子湯

異功散

六君子湯

香砂六君子湯

七味白朮散

參苓白朮散

歸脾湯

逍遙散

八珍湯

十全大補湯

雙和飲

養榮湯

理中湯

補養元氣四君子參苓朮草棗生薑異功加陳兼理氣虛痰橘
半六君湯嘔吐香砂六君子渴瀉七味藿葛香脾瀉參苓白朮
散薏桔山蓮砂扁方思慮傷脾損心血歸脾歸耆棗遠香減參
加柴歸芍薄逍遙調肝理肺方合物八珍兼補血耆桂十全大
補湯去參苓朮雙和飲去芎加陳養榮湯脾胃虛寒吐且瀉理

中減苓加乾薑

註

四君子湯補養元氣虛弱通用之方卽人參伏苓白朮炙
草引用棗薑也異功散是於補氣中兼理其氣卽四君子
湯加陳皮也六君子湯治脾虛痰飲卽四君子湯加橘紅
半夏也香砂六君子湯治胃虛嘔吐卽六君子湯加藿香
砂仁也七味白朮散治脾虛瀉卽四君子湯加藿香葛
根木香也參苓白朮散治脾胃虛瀉卽四君子湯加薏苡
桔梗山藥蓮肉砂仁扁豆也歸脾湯治思慮損傷心脾氣
血卽四君子加當歸黃耆棗仁遠志木香也逍遙散調肝
理脾卽四君子湯減人參加柴胡當歸白芍薄荷也八珍

湯於補氣中兼補其血即四君子湯合四物湯也十全大補

湯大補氣血即八珍湯加黃耆肉桂也雙和飲平補氣血

即十全大補湯減人參伏苓白朮也人參養榮湯於補氣

中專養榮血即十全大補湯減川芎加陳皮也理中湯治

脾胃虛寒吐瀉即四君子湯去茯苓加乾薑也

四物湯 桂枝四物湯 麻黃四物湯

柴胡四物湯 玉燭散

婦人血病主四物歸芍白芍熟地黃血瘀改以赤芍藥血熱易

用生地黃表熱有汗合桂草表熱無汗合麻黃少陽寒熱小柴

並陽明熱合調胃湯

註

四物湯乃婦人經產一切血病通用之方故主之也其方
卽當歸川芎白芍藥熟地黃凡血瘀俱減白芍藥改用赤
芍藥破之血熱俱去熟地黃易用生地黃涼之風感太陽
衛分發熱有汗本方合桂枝湯以桂枝甘草解之名桂枝
四物湯寒傷太陽榮分發熱無汗本方合麻黃湯以麻黃
杏仁甘草桂枝發之名麻黃四物湯邪傳少陽半表半裏
往來寒熱本方合小柴胡湯以柴胡黃芩半夏人參甘草
和之名柴胡四物湯邪傳陽明裏熱便結本方合調胃承
氣湯以大黃朴消甘草下之名玉燭散

先期證治

芩連四物湯

地骨皮飲

膠艾四物湯

芩朮四物湯

桃紅四物湯

當歸補血湯

聖愈湯

薑芩四物湯

佛手散

芎歸湯

先期實熱物芩連虛熱地骨皮飲丹血多膠艾熱芩朮逐瘀桃紅紫塊黏血少淺淡虛不攝當歸補血歸耆先虛甚參耆聖愈補熱滯薑芩丹附延逐瘀芎歸佛手散又名芎歸效若仙

註

經水先期而至屬熱而實者用四物湯加黃芩黃連清之名芩連四物湯屬熱而虛者用四物湯加地骨皮丹皮涼之名地骨皮飲血多無熱者用四物湯加阿膠艾葉止之

名膠艾四物湯血多因熱者用四物湯加黃芩白朮和之
名芩朮四物湯若血多有塊色紫稠黏乃內有瘀血用四
物湯加桃仁紅花破之名桃紅四物湯先期血少淺淡乃
氣虛不能攝血也用當歸補血湯補之其方卽當歸黃耆
也若虛甚者則當用四物湯加人參黃耆補之名聖愈湯
若血濇少其色赤者乃熱盛滯血用四物湯加薑黃黃芩
丹皮香附延胡通之名薑黃四物湯逐瘀須用佛手散卽
四物湯去生地白芍又名芎歸湯逐瘀血其效如神也

過期證治

過期飲

過期血滯物桃紅附莪桂草木香通血虛期過無脹熱雙和聖
愈及養榮

註

經水過期不至因血氣凝滯脹痛者用過期飲其方即四
物湯加桃仁紅花香附莪朮肉桂甘草木香木通也若過
期不至並不脹痛者乃無血可行是血虛也宜用雙和飲
聖愈湯人參養榮湯

經行發熱證治

加味地骨皮飲 六神湯

經來身熱有表發內熱地骨加胡連經後六神加蒼骨逍遙理
脾而清肝

註
經來發熱有表邪證者用前桂枝四物等湯發之若內熱者用地骨皮飲加胡連清之名加味地骨皮飲經後發熱乃血虛內熱用四物湯加黃耆地骨皮補而涼之名六神湯若脾虛肝熱用逍遙散理脾而清肝

逍遙散 方見前

經行身痛證治

羌桂四物湯

黃耆建中湯

經來身痛有表發無表四物羌桂枝經後血多黃耆建耆桂芍草棗薑飴

註
經來時身體痛疼若有表證者酌用前麻黃四物桂枝四

物等湯以發之若無表證者乃血脈壅阻也宜用四物湯加羌活桂枝以疏通經絡名羌桂四物湯若經行後或血去過多者乃血虛不榮也宜用黃耆建中湯以補之其方卽小建中湯桂枝白芍甘草薑棗飴糖加黃耆也

經行腹痛證治

當歸建中湯

加味烏藥散

琥珀散

經後腹痛當歸建經前脹痛氣爲殃加味烏藥湯烏縮延草木香香附榔血凝碍氣疼過脹本事琥珀散最良稜莪丹桂延烏藥寄奴當歸芍地黃

註 經後腹痛或去血過多乃血虛也宜用當歸建中湯補之

其方卽小建中湯加當歸也經前腹脹痛乃血氣凝滯若
脹過於痛是氣滯其血也宜用加味烏藥湯開之其方卽
烏藥縮砂延胡索甘草木香香附檳榔也若痛過於脹是
血凝碍氣也宜用琥珀散破之其方卽三稜莪朮丹皮官
桂延胡索烏藥劉寄奴當歸赤芍生地黃也

大溫經湯

吳茱萸湯

胞虛寒病大溫經來多期過小腹疼歸芍草人參桂吳丹膠
半麥門冬不虛胞受風寒病吳茱萸湯更加風藁細乾薑茯苓
木減去阿膠參芍芎

註 凡胞中虛寒一切經病皆因經水來多胞虛受寒所致或

因受寒過期不行小腹冷痛者宜用大溫經湯卽當歸川
芎白芍炙草人參肉桂吳茱萸丹皮阿膠半夏麥門冬也
若胞中不虛惟受風寒爲病宜吳茱萸湯依大溫經湯方
更加防風藁本細辛乾薑茯苓木香減去阿膠人參白芍
藥川芎卽是吳茱萸湯也

經行吐瀉證治

經瀉參苓白朮散鴨澹清痛理中湯肌熱渴瀉七味散嘔飲香
砂六君湯

註

經來泄瀉乃脾虛也宜用參苓白朮散鴨澹清瀲冷痛乃
虛寒也宜用理中湯肌熱渴瀉乃虛熱也宜用七味白朮

虛寒也宜用理中湯熱渴宜用白朮湯也宜用七未白朮
散嘔飲痰水乃虛濕也宜用香砂六君子湯

經行吐衄證治

三黃四物湯

犀角地黃湯

經前吐衄為熱壅三黃四物大芩連經後吐衄仍有熱犀角地

黃芍牡丹

註

經前吐血衄血乃內熱壅迫其血宜用三黃四物湯瀉之

其方即四物湯加大黃黃芩黃連經後吐血衄血雖仍有

熱亦不宜瀉但當用犀角地黃湯清之其方即犀角生地

黃赤芍藥牡丹皮也

調經門彙方

四君子湯

人參

白朮

土炒

茯苓

各二錢

甘草

一錢

右剉薑棗水煎服

異功散

人參

白朮

土炒

茯苓

各二錢

甘草

五分

陳皮

二錢

右剉加生薑水煎服

六君子湯

人參

白朮

土炒

茯苓

半夏

陳皮

各一錢

甘草

五分

右判薑棗水煎服

香砂六君子湯 即本方加藿香葉砂仁

七味白朮散

人參

白朮

土炒

茯苓

各一錢五分

甘草

五分

藿香

木香

乾葛

各一錢

木右劉水煎服

參苓白朮散

人參

白朮

土炒

茯苓

山藥

炒

甘草

蓮肉

去心

白扁豆

各一錢五分

薏苡仁

炒

砂仁

桔梗

各八分

右為細末每服二錢薑棗湯調服

歸脾湯

人參

黃耆

白朮

茯神

當歸

龍眼肉

遠志

棗仁

木香

甘草

夫心

炒

右剉薑棗水煎服

逍遙散

當歸

白芍

白茯苓

柴胡

甘草

白朮

錢

各一

右剉散水一盞半加薄荷煎服

酒洗
五分

酒炒
一錢

錢
各一

八珍湯

人參

白朮

土炒

茯苓

甘草

熟地

當歸

川芎

白芍

各等分

右加薑棗煎服

十全大補湯

人參

白朮

茯苓

黃耆

當歸

熟地

白芍

川芎

各一錢

肉桂

甘草

各五分
炙

右薑棗水煎服

雙和飲

卽十全大補湯去人參茯苓白朮

人參養榮湯 卽十全大補湯去川芎加陳皮

理中湯

白朮

人參

乾薑

甘草 各一錢

右剉水煎服

四物湯

熟地 二錢

川芎 一錢

白芍 二錢 炒

當歸 二錢

右爲粗末水煎服

芩連四物湯

卽本方加黃芩黃連

芩朮四物湯

卽本方加黃芩白朮

桃紅四物湯

卽本方加桃仁紅花

羌桂四物湯 即本方加羌活桂枝

柴胡四物湯

川芎

當歸

白芍

熟地 各一錢

柴胡

人參

黃芩 各二錢

甘草 五分

半夏 二錢 制

右為末每五錢水煎服

玉燭散

當歸

川芎

熟地

白芍 各二錢

大黃

芒消

甘草 各一錢

右剉每服八錢水煎食前

地骨皮飲

當歸

生地

各二錢

白芍

一錢

川芎

八分

牡丹皮

地骨皮

各二錢

水煎服

膠艾四物湯

熟地

當歸

川芎

白芍

阿膠

蛤粉末炒成珠

艾葉

各一錢

甘草

五分炙

右剉水酒各半煎空心服

桂枝四物湯

當歸

熟地

川芎

各二錢

白芍

三錢炒

桂枝 三錢

甘草 一錢
炒

薑棗煎服

麻黃四物湯

當歸

熟地

川芎

白芍

各二錢

麻黃

桂枝

杏仁

二十粒

甘草

一錢

薑棗煎服

當歸補血湯

當歸 三錢

黃耆

一兩
蜜炙

右水煎服

聖愈湯

熟地

酒拌蒸
半日

白芍

酒拌

川芎

人參

各七錢
五分

當歸

酒洗

黃耆

各五錢
炙

右水煎服

薑苓四物湯

當歸

熟地

赤芍

川芎

薑黃

黃芩

丹皮

延胡索

香附

各等分
製

水煎服

佛手散

又名芍歸湯

川芎

二兩

當歸

三兩

右為細末每服二錢水一盞酒二分煎七分溫服

過期飲

熟地

白芍

炒

當歸

香附

各二錢

川芎

一錢

紅花

七分

桃仁泥

六分

蓮莖木

木通

各五分

甘草

炙

肉桂

各四分

木香

八分

右水二鍾煎一鍾食前溫服

加味地骨皮飲

生地

當歸

白芍

各二錢

川芎

八分

牡丹皮

地骨皮

各三錢

胡連

一錢

右水煎服

從集醫方全錄 卷四十一

六神湯

熟地

當歸

白芍

川芎

黃耆

地骨皮

各等分

右咬咀水煎

小建中湯

白芍

三錢炒

桂枝

一錢

甘草

八分炙

右薑棗水煎服

黃耆建中湯

黃耆

肉桂

各一兩

白芍

二兩炒

甘草

七錢炙

右每服五錢薑棗水煎服日二三服如虛甚者加附子

當歸建中湯

當歸

一兩

白芍

二兩 炒

肉桂

一兩

甘草

七錢 炙

右咬咀每服三錢加生薑棗水煎空心服

加味烏藥湯

烏藥

縮砂仁

木香

延胡索

香附

製

甘草

檳榔

各等分

右細剉每服七錢生薑三片水煎溫服

琥珀散

三稜

莪朮

赤芍

當歸

劉寄奴

丹皮

熟地

官桂

烏藥

延胡索

各一兩

右前五味用烏豆一升生薑半觔切片米醋四升同煮豆爛為度焙乾入後五味同為末每服二錢溫酒調下空心食前服

大溫經湯

吳茱萸

湯炮

丹皮

白芍

人參

肉桂

當歸

川芎

阿膠

碎炒

甘草

各一錢

麥冬

二錢 去心

半夏

二錢半 製

右加生薑水煎食前服

吳茱萸湯

當歸

肉桂

吳茱萸

丹皮

半夏

製

麥冬

各二錢

防風

細辛

藁本

乾薑

茯苓

木香

炙甘草

各一錢

水煎服

三黃四物湯

當歸

白芍

川芎

生地

黃連

黃芩

大黃

右剉水煎服

大黃量虛實用

犀角地黃湯

芍藥 七錢半

生地 半觔

牡丹皮 一兩 去心淨酒浸

犀角 一兩 如無以川升麻代

右咬咀每服五錢水煎服有熱如狂者加黃芩二兩

經閉門

血滯經閉

石瘕寒氣客胞中狀如懷子不經行胞閉熱氣迫肺欬傷心氣血不流通

註經曰石瘕生於胞中寒氣客於子門子門閉寒氣不得通

惡血當瀉不瀉衄以留止日以益大狀如懷子月事不以

時下皆生於女子可導而下此論經閉因寒氣客於下故
病血癢而病肺勞也經曰月事不來者胞脈閉也胞脈
者屬心而絡於胞中今氣上迫於肺心氣不得下通故月
事不來也此論胞脈閉因熱氣攻於上故迫肺作欬病肺
勞而不病血癢也

血虧經閉

二陽之病發心脾不月有不得隱曲血枯其傳為風消息賁者
死不能醫

註

二陽者陽明胃也女子有隱曲不得之情則心脾氣鬱不
舒以致二陽胃病飲食日少血無以生故不月也血虛則

生內熱愈熱愈虛肌肉乾瘦如風之消物故名曰風消也
火盛無制心乘肺金氣不行不能運布水精留於胸中
津液悉化爲痰咳嗽不已日久成勞傳爲息賁則不能醫
矣息賁者喘也

血枯經閉

脫血過淫產乳衆血枯漸少不行經骨蒸面白兩顴赤懶食消
瘦咳嗽頻

註

失血過多面與爪甲之色俱淺淡黃白乃脫血病也或因
過淫精竭或因產多乳衆傷血血枯經來漸少二三月後
經閉不行以致證見骨蒸肌熱面色枯白兩顴紅赤懶於

飲食皮乾消瘦咳嗽頻頻不已多成虛損之證

久嗽成勞

男勞已詳心法內女損陰血傳風消或因病後素稟弱經閉咳

嗽血風勞

註 男子虛勞治法已詳於雜病心法要訣虛勞門內女子之

勞多因損其陰血或因病後傷其陰血或因素稟陰血不

足然必見陰虧骨蒸血枯經閉咳嗽日久不已之證始名

嗽曰勞若不咳嗽則謂之虛不可謂之勞也風消者古勞證

名也女子曰血風勞者蓋以內經曰勞風發於肺下是謂

虛病之人感受風邪則肺受之故始病必先咳嗽也若不

先解風邪而即補者未有不因久嗽不已而成勞者也故
曰血風勞也

婦人經斷復來

婦人七七天癸竭不斷無疾血有餘已斷復來審其故邪病相

干隨證醫

註

婦人七七四十九歲時天癸竭地道不通當月水不下若

連月水不斷不見他證乃血有餘不可用藥止之若已斷或

更過一年或三五年復來者當審其有故無故是何邪所干隨

八證醫治也

室女經來復止

室女經來復不來若無所苦不爲災必是避年未充足若見虛形命可哀

註室女年幼氣血尙未充足有經來數月復又不來者若無他證所苦則不得謂之災疾必是避年或氣血未充若兼見虛損形狀則爲室女血枯經閉童勞多屬難治故曰命可哀也

師尼室寡經閉

師尼室寡異乎治不與尋常婦女同診其脈弦出寸口知其心志不遂情調經若不先識此錯雜病狀豈能明和肝理脾開鬱氣清心隨證可收功

註

師道姑也尼女僧也室未適夫之女也寡少而亡夫之婦也異乎治者謂不與尋常婦女同其治也如診其脈弦出寸口則知其心志不遂情志之爲病也凡欲調婦女一切經病若不先識此因則不能明情志錯雜難名之病狀也治此證者當以和肝理脾開鬱清心隨證施治自可收功也

血滯經閉證治

三和湯

石瘦帶表吳茱萸攻理琥珀散最宜胞閉三和湯四物消黃連
薄草苓梔

註

寒氣客於胞中血氣不行而成石瘕兼表證多者宜吳茱萸湯溫散之裏證多者宜琥珀散攻之胞脈閉上迫於肺心氣不得下通故月事不來宜三和湯清之卽四物湯合涼膈散乃樸消大黃連翹薄荷甘草梔子黃芩也如大便不實者去消黃

吳茱萸湯

琥珀散

四物湯

方俱見前
調經門

血枯血虧經閉證治

六味地黃湯

胃熱爍血玉燭散失血血枯養榮湯地黃湯治房勞損莖藥茶丹澤地良乳衆血枯經若閉須用十全大補方

註

經曰二陽之病發心脾女子不月二陽胃也胃熱甚則燦其血血海乾枯故月事不下宜以玉燭散泄其胃熱則經血自行若因素有吐衄之證或生育過多則血海乾枯及房勞過傷陰血乳衆傷其血液皆足以致經閉失血多者宜養榮湯主之房勞過者以六味地黃湯滋之即山萸山藥白茯苓丹皮澤瀉熟地黃也乳衆者以十全大補湯培補之

玉燭散

養榮湯

十全大補湯

俱見前調經門

經閉久嗽成勞證治

劫勞散

月水不行蒸潮汗食減咳嗽血風勞劫勞散用參苓芍歸地甘
耆半味膠

註經閉久嗽又見骨蒸潮熱盜汗自汗飲食減少之證則為
之血風勞宜用劫勞散卽人參茯苓白朮當歸生地甘草
黃耆半夏五味子阿膠也

婦人經斷復來

芩心丸

益陰煎

經斷復來血熱甚芩心醋丸溫酒吞益陰知蘂龜生地縮砂炙
草棗薑尋血多熱去傷衝任十全大補與八珍暴怒憂思肝脾
損逍遙歸脾二藥斟

註 婦人七七四十九歲後天癸不行若止而復來無他證者

乃血有餘不得用藥止之若因血熱者宜芩心丸用黃芩

心末二兩醋丸溫酒送下或用益陰煎即知母黃蘗龜板

生地縮砂炙草也若血去過多熱隨血去衝任虛損其血

不固者宜十全大補湯八珍湯若因怒氣傷肝肝不藏血

憂思傷脾不攝血者宜於逍遙散歸脾湯二方斟酌用

之

十全大補湯

八珍湯

逍遙散

歸脾湯

俱見前
調經門

室女師尼寡婦經閉證治

大黃廬蟲丸

澤蘭葉湯

栢子仁丸

室女經閉多血結大黃廬蟲桃杏仁蟲蛭蟻螬甘草芍乾漆生地及黃芩不足澤蘭歸草芍栢子仁丸用栢仁熟地澤蘭牛卷續相兼久服自然行師尼寡婦逍遙散附蘭丹地鬱梔芩

註

室女經閉多有氣血凝結者宜用大黃廬蟲丸破血行氣其經自通方用大黃廬蟲桃仁杏仁蟲蟲水蛭蟻螬甘草白芍乾漆生地黃芩蜜丸服若其人虛弱不任攻下則用澤蘭葉湯卽澤蘭葉當歸甘草白芍也兼服栢子仁丸方用栢子仁熟地澤蘭葉牛膝卷栢續斷丸服煎丸並進久其血自行至於師尼寡婦經閉之證多屬鬱熱宜用逍

遙散加香附澤蘭葉丹皮生地鬱金黑梔黃芩以和肝理

脾清心開鬱其經自通也

逍遙散

方見前
調經門

婦病難治

諺云婦病不易治蓋以幽居情鬱疑執拗不喜望聞問諱疾忌

醫術莫施

註

寇宗奭曰寧治十男子莫治一婦人謂婦人之病多不易

治也蓋以婦人幽居情鬱憂恚愛憎多疑所懷不遂性執

偏拗診時又不令醫師觀形望色聞聲問病富貴之家居

奧室之中處幃幔之內且復以帕蒙手既不能行望色之

神又不能盡切脈之巧未免詳問問之覺繁反謂醫學不精往往並藥不信不知問非易事非精於醫者必不能問也夫望聞問切四者欲去其三卽是神醫亦無由施其術也此古今之通患謂之曰婦人不易治不誠然哉

診看婦人須先問經期妊娠

未診婦人女子病先問經期與妊娠不詳誤藥非細事疑似難明昧所因

註未診婦人女子之病必先問經期與有無妊娠若不詳細審問倘用藥誤觸之則所關匪細多變生他證疑似難明豈不昧其病之所因哉

經閉門彙方

三和湯

當歸

川芎

大黃

朴消

白芍

地黃

黃芩

梔子

未連翹

薄荷

甘草

各等分

右剉每服八錢水煎服

六味地黃湯

熟地

八錢

山萸肉

山藥

各四錢

丹皮

澤瀉

茯苓

各三錢

右清水煎服

劫勞散

白芍 六兩

黃耆 四兩

甘草 炙

人參 去蘆

當歸

去蘆酒洗

熟地

洗淨焙乾

五味子

阿膠 各一兩 炒珠

右咬咀每服三錢水一盞生薑七片棗三枚煎至九分溫

服無時日三

芩心丸

用黃芩心枝條者三兩

米泔浸七日炙乾又浸又炙如此七次

右為末醋丸如桐子大每服七十丸空心溫酒送下日進

二服

益陰煎

御製醫宗金鑑 卷四十一

生地 三錢

知母

黃蘗 各二錢

龜板 四錢 醋炙

縮砂仁

甘草 各一錢 炙

右剉水煎服

大黃廩蟲丸

大黃

赤芍

生地

桃仁

杏仁

乾漆

甘草

廩蟲

蟲蟲

蛭蟲

蟻蟻

黃芩

各等分

當右末煉蜜丸每服九數量虛實增減

澤蘭葉湯

澤蘭葉 三兩

當歸

白芍 各一兩

甘草 五錢

右爲粗末每服五錢水二盞煎一盞溫服

栢子仁丸

栢子仁 炒另研

牛膝 酒洗

卷柏 各五錢

澤蘭葉

續斷 各二兩

熟地 三兩五錢酒浸半日石臼內杵成膏


右爲細末煉蜜丸如桐子大空心米飲下三十九

御書醫宗金鑑

卷四十四

三

此處有極大的墨跡塗抹，完全遮蓋了原本的文字。僅在左側邊緣可見一些模糊的殘字，如「...」和「...」。



從身醫宗金鑑

卷四一四

三

中